

HIBLU

Bi Olap Ne Hiblu Binib Klays Yil Yelak Okok Kilop Mij Tikak

*God chinop agnig takaw ne ak dil, Ñine nop agek
chinop agñub*

¹ Bilel God takaw aginig ñin kuñay takaw ne ak dil, bi God gos ñek agñeb okok kilop agek, kili keke based chin okok kilop agñeligi pal.

² Ned anigil gek ak pen, ñin kidek midobun awl, God chinop agnig takaw ne ak dil, Ñine nop agek chinop agñak. God Ñine nop aglek, tap okok midupsek dil kod yenigab. Pen abe bilel God gek Ñine tap okok midupsek gilak, tap adekab alan sek lum awl sek gilak.

³ Pen Ñine ne ke ma mideb, God mideb tek nep mideb. Ne abe God midil ak nim, chinop milek pug yomub. Takaw kiles timel ne ak dil agek, lum awl tap okok midupsek gittep gil midtep gup. Binib tap si tap timel gipal okok tig walig giyokil, gach kilop wik yokak. Wog anib ak giuwil, amil Binonim kiles timel yibil adek alan mideb ak, ñin yipid kid ne okok besigak.

*God Ñine nim biawlyibil mideb, ensel okok yokip
tek midebal*

⁴ Pen God ne Ñine nop yib agek, yib ne adek awl alan mideb, ensel okok yib sikol midebal. Ak tek ak

1:2 Sng 2.8, Jon 1.3, Epe 1.10
1.15-17, 1.20, Hib 8.1, Lep 4.11

1:3 Apo 2.33-34, 2 Ko 4.4, Kol
1:4 Epe 1.21, Plp 2.9-10

God ne Ņine nop gek, ne biaawl yibil mideb, ensel okok yokip tek midebal.

5 God ensel ne okok kilop, olap takaw agil apikop,

Miñil nep dipin ak, nad ni yad mide, yad nap nak midebin agil ma agak.

Akanj pen,

Yad nap ne miden, ne ni yad yenigab agil ma agak.
Mel yibil.

6 Pen God ne Ņine ned anop lum awl agyokinig niñ ak, ne anib agak,

Ensel yad okok midupsek kigom yimil yib nop dad aplanigel agak.

7 God ne ensel okok kilop gos niñid takaw anib agak,

God ensel ne okok kilop gek yiñen tek midebal, bi wog giñeb ne okok kilop gek mab miñilan tek midebal agak.

8 Pen Ņine nop gos niñid takaw anib agak,

Nad God midil, binonim midil, binib okok pel pel nep kod yenigaban agak. Nad binib okok kilop kod midil, yipid gil gittep ginigaban agak.

9 Yipid gil gittep gipal ak, nep tep gup, pen gi timel gipal ak, nep tep ma gup, mel yibil agak.

Anib ak yad God nad ak, nep wel niñ liñil, agil agen, biaawl yib awl yibil mideban agak.

Agil apin anib ak, nep tep gek miñmiñ gipan

1:5 2 Sml 7.14, 1 Sto 17.13, Sng 2.7, 89.26-27, Apo 13.33, Hib 5.5

1:6 Lo 32.43, Sng 97.7, Lom 8.29, Kol 1.18, 1 Pi 3.22, Lep 1.5 **1:7**

Sng 104.4 **1:8** Sng 45.6-7 **1:9** Ais 61.1, Apo 4.27, 10.38

agak. Pen bogilak nad okok, muk nep okok
midebal, nad nim biawl yibil mideban agak.

10 Pen God takaw oginap sek agil agak,
Biawl, bilel bilel nad ke lum awl sek adekab alan
sek alwol gilinak agak.

11 Tap anib okok kul ginigab ak pen, nad pelnep
yenigaban agak. Ominjal gil chech wul lil
timel gup tek ginigab agak.

12 Pen ominjal gil sinay ak pag lil dad abal tek ak
ginigaban, chech tig asik ke sinjak lil oginap
lipal tek ginigaban agak. Aniginigab ak pen,
nad anib ak tek ma ginigaban agak. Nad
pelpel mideban tek nep yenigaban agak.

13 Bilel God ne Nîne nop takaw anib agak,
Nad nin yipid kid yad okok besig yenimin agak.
Besig midil, mid dad amil, binib nad ayip
penpen gep okok kilop tob muk nak okok
len, taw tibikinigaban agak.

Ensel okok pen, kilop Nîne nop agak anib ak tek
ma yibil agak.

14 Anib ak ensel okok tay tek midebal? Kili God
nop wog giñeb okok midebal. Ne kilop agyokek,
binib ne tig asik dinigab okok kilop giñebal.

2

God chinop tig asik dup ak, tap awlyibil

1 God Nîne yib awl dup anib ak tek, takaw anib
ak agñel nopun ak, nigtep gil pisnep dinigun. Pen

1:10 Sng 102.25-27 **1:11** Ais 34.4, Mat 24.35, 2 Pi 3.7, 3.10 **1:13**

Sng 110.1, Mat 22.44, Mak 12.36, Luk 20.42 **1:14** Sng 34.7, 91.11,
Mat 18.10, Apo 12.7, Lom 8.17, Jem 2.5, 1 Pi 3.7

nigtep gil ma donigabun, takaw anib ak keligil mid
dad amil, kidek pisnep keliginigabun.

2 Bilel God takaw aginig, takaw ne ak dil ensel
okok kilop ñak. Ñek, ensel okok agñeligipal ak
nim, binib okok kilop yomak, takaw anib ak takaw
niñid yibil yek.* Pen binib takaw anib ak tibilikil
kidek ma gilak okok, tap timel gilak anib okok nep,
God kilop pen gi timel gak.

3 Kilop anigak ak miñil pen, God chinop tig asik
dup ak, tap awl yibil. Anib ak chin God chinop
tig asik dup ak kud ñil ma niginigabun ak, titay
dinigabun? Pilik amnigun tek ma linigab. Nigim.
Ned Biawl ne takaw tep anib ak agek, binib oginap
nigilak. Kili niñid, chinop pen agñel chin niñid
niginok, takaw anib ak niñid yibil yek.

4 Pen gos kili anep niñid ma agilak. God kili
ayip midaknij, tap mageptek keke oginap gilig
chinop agñilak. God gos ne ke niñid, Kawnan ne
ak agyokek apil, binib oginap ayip midil kiles gek,
ke yibil gelak abe niginok. Anib ak nim, takaw ne
anib ak, niñid yibil agebal agil niginok.

*Jisas apil bi yibil tek yek ak, ne ke chinop tig asik
dup*

2:2 Sng 68.17 * **2:2** Takaw ensel agñeligipal anib ak, takaw Mosis
ñu kili tikak ak. Kisim Bek sapta 19-20 niginimin. Buk Kisim Bek
adañ mideb ak, ensel kili takaw anib ak agñeligipal ak ma agak ak
pen, Juda bi kili anigil nigilak, God takaw ne ensel kilop agñek, kili
Mosis nop agilak. Aposel 7.38 ayip, 7.53 ayip, Galesiya 3.19 ayip
niginimin. **2:3** Mat 4.17, Mak 1.14, Luk 1.2, Hib 10.28-29, 12.25

2:4 Mak 16.20, Apo 2.22, 14.3, 1 Ko 2.4, 12.4, 12.7, 12.11, Epe 1.5, 1.9

5 Pen takaw apun anib ak, God chinop dil ne ayip yonigabun ñin ak, chin nopun, ne ensel okok kilop agek kili anib okok kod yenigabal ak, anigil ma agak. Mel yibil.

6 Pen buk Baybol, bi olap ne takaw olap tikil anib agak,

God, nad binib okok tap tay midel, kilop gos nigilig mideban agil tikak? Nad tek ma midebal, binib yokip ak pen, taynen kilop kod midtep giyan agil tikak?

7 Nad genak, yokip sikol won ak ensel okok biawl tek yelak, binib okok tam okok tek yelak agil tikak. Pen binib okok kilop genak, yib awl dil binonim tek yelak agil tikak.

8 Binonim tek midel, tap anib okok midupsek kilop muk okok le, kili anib okok kod yelak agil tikak. Takaw anib agil tikak ak anigil yomak, God tap okok midupsek kilop muk okok lek, anib okok midupsek kod yelak. Miñil pen chin nopun, tap anib okok midupsek kod ma midebal.

9 Chin pen Jisas binonim yib awl dup ak nopun. God ne binib okok midupsek kilop yimug niñid gitep ginim agil agek, Jisas kilop nen kumak. Anib ak yokip sikol won ak ensel okok biawl tek yelak, Jisas ne tam okok tek yek. Pen yul awl dil kumek, God gek miñil yib awl dil binonim yibil mideb.

10 Chin nopun, God ne tap okok midupsek jiñ ak mideb, tap okok midupsek gilak. Pen ne anigil gos nigak, Jisas ne God ñapay ne kunjay yibil dil,

2:5 Hib 6.5, 2 Pi 3.13 **2:6** Jop 7.17, Sng 144.3 **2:6** Sng 8.4-6

2:8 Mat 28.18, 1 Ko 15.25-27, Epe 1.22 **2:9** Jon 3.16, Lom 5.18, Plp 2.7-9, 1 Ti 2.6, 1 Jo 2.2, Lep 5.9 **2:10** Luk 24.46, Jon 20.17, Apo 3.15, Lom 8.29, 11.36, Hib 5.9, 10.10

kilop poñid man teplep ne alan dad amnimunj. Pen abe gos n̄igak, Jisas binib anib okok kilop tig asik dinimunj. Anib ak tek, Jisas nop agyokek apil yul awl yibil dak. Yul awl dak tek, ne bi teplep yibil ned ameb ak, binib okok kilop dil God ayip j̄imñil lup. God ne anigak ak, tep yibil mideb.

11 Pen n̄igim. Jisas ayip, binib okok ne kilop gek God binib suntep ne midebal okok ayip, Bapi kili nokom mideb. Anib ak tek mam ay aginig neben ma dup, wisib nep agup.

12 Ne God nop anib agak,
Binib yad okok kilop, kesim nep ak agñinigayn
agak. Kili nep gos n̄iginig apnan ginigabal
ak, yad kilop nab okok kimep agilic, yib nep
dad aplanigayn agak.

13 Pen tepayan agak,
Yad nop gos sek kod yenigayn, ne yad ginigayn agil
agup ak gitep ginigab agak.

Pen olap agak,
Nigim, God ñapay yip agak okok, ayip midebin awl
agak.

14 Ñapay agak anib okok, kili binib yibil ak nim,
ne abe binib yibil yelak tek olap tek lak. Pen ne
Satan bi binib gek kubal ak nop ñag juyokinim agil,
bi yibil lil kumak.

15 Anigek nim, binib kumnigabun agil pelnep
gos pal lil yelak okok, kilop wisib yokek nag lep
yelak anib ak keligil kim amnigel tek lak.

2:11 Mat 25.40, Mak 3.35, Jon 20.17, Apo 17.26, Lom 8.29, Hib 10.10

2:12 Sng 22.22 **2:13** Sng 18.2, Ais 12.2, Jon 17.6, 17.9-12 **2:14**
Jon 1.14, 12.31, Lom 8.3, Plp 2.7, Kol 2.15, 1 Jo 3.8, Lep 12.10 **2:15**
Lom 8.15, 2 Ti 1.7

16 Niñid apun, ne ensel okok ditep gin agil ma gak. Eblaham ñapay ne okok ditep gin agil anigak.

17 Adek anib ak nep, Jisas ne binib ne okok binib yibil midebal nep tek linimuñ. Bi yibil lek, God nop gek ne bi God nop sibogep biawl yibil ak yonimuñ. Ne bi God nop sibogep biawl yibil mideb ak, binib okok kilop mapen niñid ditep gil, God agak tek nep gil wog ne gonimuñ. Aniginimuñ ak nim, binib tap si tap timel gipal okok tig walig giyokinimuñ. Anib ak tek ne bi yibil lak.

18 Kicheki Jisas nop apil yil yil ñek, nop ke mijel dak. Anib ak kicheki binib okok kilop apil yil yil ñinigab won ak, Jisas ne ke kilop giñinimuñ tek linigab.

3

Mosis yib mideb ak pen, Jisas yib awlyibil mideb

1 Adek anib ak nep, mam ay Klays yil midebim okok. God nibi abe man yad alaç ownimib agil, nibop suk agup okok, Jisas nop gos nigtep ginimib. God Jisas nop agyokek takaw nop dad owak. Pen ne bi God nop sibogep biawl yibil chin ak, misen apun, Nop gos nopus apun.

2 God ne Jisas nop aglil wog oginap agek, midupsek agak tek ak gittep gak. Ne gak anib ak, God ne biele Mosis nop aglil agek, agak tek ak gittep gak ak tek gak. Pen God Mosis nop takaw agak ak, Mosis ne God binib ne kal ne tek yelak okok kilop, kod midtep gak.

2:16 Ais 41.8-9 **2:17** Plp 2.7, Hib 2.14, 4.15, 5.1-2, 1 Jo 2.2, 4.10

2:18 Hib 4.15-16, 5.2, 7.25 **3:1** Epe 4.1, Plp 3.14, Hib 4.14, 5.5, 6.20, 7.26, 8.1, 9.11, 2 Pi 1.10 **3:2** Nam 12.7

3 Chin pen anigil nopun, bi kal olap gup ak ne yib awl mideb ak pen, kal anib ak ne yib sikol mideb. Ak tek nep Mosis yib mideb ak pen, Jisas yib awl yibil mideb.

4 Kal okok midupsek bi okok giñpal ak pen, God ne tap okok midupsek gilak.

5 Mosis ne God bi wog giñeb ne ak midil, God takaw agak ak niñid gitep gak. Ne God binib ne kili God kal ne tek yelak okok, kilop midupsek giñitep gak. Wog gitep gilig, takaw God kidek aginigab ak agñitep gak.

6 Klays pen ne God Ñine ak midil, God takaw agak ak niñid gitep gup. Ne God binib ne kili God kal ne tek midebal okok kilop, midupsek kod midtep gup. Pen chin ma pilikil, God chinop gitep yibil ginigab agil gos sek kod yonigun tek, chin abe God kal ne tek midobun.

Binib God nop kud ñel, añij lil midtep ginigel God agak ak ma dinigabal

7 Chin God binib ne midobun anib ak tek, God Kawnan ne ak agak tek nigenigun. Ne anib agak, Miñil, nibi God takaw agak ak nigenigabim,

8 chibol nibop ak ma asikinimuñ ak ma ginimib agak. Napis nased sikop, kili man nep binib ma yelak nab okok bilel yelak ñin ak, God nop ginig titay ginigab ak nop kud ñil takaw ma del, chibol kilop ak ma asikak agak. Nibi anib ak tek ma ginimib agak.

3:3 Sek 6.12, Mat 16.18 **3:4** Epe 2.10, 3.9, Hib 1.2 **3:5** Nam 12.7 **3:6** Lom 5.2, Epe 2.21-22, Kol 1.23, 1 Ti 3.15, Hib 3.14, 6.11, 1 Pi 2.5 **3:7** Sng 95.7-11 **3:8** Kis 17.7, Nam 20.2-5

9 Pen God agak, Kili man nep binib ma yelak nab anib okok midil, yip ginig titay ginigayn ak yip kud nil takaw ma dilak agak. Anigelak pen kili nigliak, yad sub ak 40 tek wog kiles gilig kilop kod midinek agak.

10 Binib anib okok pen anigil gi timel gelak anib ak, yip yilik yibil gek aginek, Kili pel yip kud nil kidek ma gipal aginek agak. Takaw apin ak ma nig dil anigipal aginek agak.

11 Yip yilik yibil gek, takaw kiles timel yibil agil aginek, Kili yad ayip midil añinj lil midtep ginigel aginek ak, ma yibil dinigabal aginek agak. Pisnep mel agebin aginek agak.

12 Mam ay okok, binib nibi oginap gos kili nab ayan timel yibil ninjid, Klays nop gos linigep ak keliginigel tek lup ak, nigtep ginihib. Anigenigel, kili God pel midep ak nop kud nil keliginigel tek lup.

13 Pen miñil God takaw nigep ñin awl, namam nanay okok ayip takaw tep ak minek minek agñil amil apil gilig gos sek yenimib. Mel ak, God nop takaw ak keligil, gos yepis adek ak apek binib nibi oginap yepis anib ak nig dil dad amel, chibol kilop ak ma asikinimum.

14 Klays nop ned gos liniginok ak, nop kiles gil gos liniginok. Pen anigil nop kiles gil gos nigilig yibil midon midon, kidek kumnigabun ñin ak ownigab. Pel anigil nim chin nopun, Klays ayip chigil jimñil midil wog gobun.

15 Takaw agobun anib ak, buk Baybol ak tikil agak,

Miñil, nibi God takaw agak ak nigenigabim, chibol nibop ak ma asikinimuñ ak ma ginimib agil tikak. Napis nased sikop, kili God nop kud ñil takaw ma del, chibol kilop ak ma asikak agil tikak. Nibi anib ak tek ma ginimib agil tikak.

16 Binib an yıl bielel God nop takaw ak niñid, nop kud ñil takaw ma dilak? Niñ binib Mosis Yijip niñ dad owak okok midupsek, kili anigelak.

17 Pen binib an yıl bielel God kilop nigeck nop yilik yiñil gak, sub ak 40 tek? Niñ binib tap si tap timel gil, man nep binib ma yelak nab okok kumilak okok nep.

18 Pen bielel God takaw kiles timel yiñil agil agak, Kili añañ lil midtep ginigel aginek ak, ma yiñil dinigabal agak. Pisnep mel agebin agak. Takaw anib ak, binib an yıl kilop agak? Niñ binib takaw nop ma niñ dilak okok nep.

19 Anib ak chin nopun, kili God nop gos liniginigun agil gos ma nigilak tek, kili añañ lil midtep ginigel tep ak amnigel tek ma lak.

4

God binib ne añañ lil midtep ginigel agak ak, dinigabal

1 Pen God ne chinop takaw olap aglil agak, Niñop dil dad apen, añañ lil midtep gep migan ayan amnimib tek lup agak. Anib ak nibi nigtep gilig yenimib. Mel ak, nibi oginap wulep yapıp tep anib ak migan ayan amnigel tek ma lup.

² Takaw teplep ak miñil agñel chin nopun, bïlel agñel Yislel binib kili nigilak tek. Kili pen takaw anib ak yokip niñid, gos ma nigilak. Anib ak tek, takaw teplep ak agñel nigilak ak, kilop giñinimun tek ma lak.

³ Chin pen Klays nop gos linopun okok, añij lil midtep gep migan ayan amnigun tek lup. Bilel God ne tep anib ak gos niñid anib agak,

Yip yilik yibil gek, takaw kiles timel yibil agil aginek, Kili yad ayip midil añij lil midtep ginigel aginek ak, ma yibil dinigabal aginek agak. Pisnep mel agebin aginek agak.

God ne takaw agak anib ak, Mosis yek ñin ak agak ak pen chin nopun, tap alwol gilak ñin ak, lum awl aniginigayn agil gos nigak ak nigjuwak.

⁴ Pen buk Baybol migan ayan, bi olap ne ñin kugul ak gos niñid, tikil anib agak, Ñin kugul ak, God lum awl tap okok midupsek gilijuwak ak niñid, añij lil yokip midék agil tikak.

⁵ Pen takaw ned nopun ak, anib ak nep agak, Kili añij lil midtep ginigel aginek ak, ma yibil dinigabal agak. Pisnep mel agebin agak.

⁶ Añij lil midtep gep ak miñil mideb, binib oginap migan ayan amnigel tek lup. Binib bïlel takaw teplep ak nigilak okok pen, takaw anib ak tibilikilak ak nim, añij lil midtep gep migan ayan ma amnilak.

⁷ Anib ak, bïlel tikil sub kunjay yibil yin gek, kidek God ne Depid nop gos ñak. Gos ñek, Depid buk Baybol takaw agesipin ak tikil agak,

Miñil, nibi God takaw agak ak nigenigabim, chibol nibop ak ma asikinimuñ ak ma ginimib agil tikak.

Pen Depid yek ñin ak, God ne agak, Miñil agak. Anib ak nopun, ñin olap ke aglak. Ñin aglak anib ak, binib añin lil midtep gep migan ayan amnigel tek linigab.

8 Josuwa ne bielel binib okok kilop dad amek, añin lil midtep gepilap ak, kidek God ne ñin olap ke aglinimuñ tek ma linigab.

9 Anib ak nim, God binib ne kili añin lil midtep gil yenigel, God ne bielel ñin kugul ak añin lil midtep gak tek.

10 Chin nopun, God agek binib an añin lil midtep gep migan ayan amub ak, wog ne giujuwil añin lup. Anigil añin lup ak, bielel God ne añin lil midtep gak tek lak.

11 Anib ak chin añin lil midtep gep tep anib ak migan ayan amnig, kiles timel yibil gil amnigun. Mel ak, binib chin oginap kili binib bielel okok takaw ak tibilikilak tek genigabal, apyap pakinigel tek linigab.

12 God takaw ne ak kim mideb, kiles yibil gilig mideb. Baynat pispis kid yibil gak tek ak mideb ak pen, baynat pispis kid sikol, takaw anib ak pispis kid timel yibil. Takaw anib ak binib kilop punjilil, nab okyan amub. Nab ayan amil, kawnan sek bipil ayan sek nab ak amub. Pen abe amil, tñil sek silom sek jimñil mideb nab ayan amub. Anib

4:8 Lo 31.7, Jos 22.4 **4:10** Stt 2.2, Hib 4.4 **4:11** Hib 3.12, 3.18-19

4:12 Ais 49.2, Jer 23.29, Jon 12.48, 1 Ko 14.24-25, Epe 6.17, Lep 1.16, 19.15

ak tek, binib gos timud ak sek gos nab ayan sek midupsek nigtep gil, kilop tig asikup.

13 Tap anib okok midupsek God ne gilak ak, olap kimigel we gil ginimuñ tek ma lup. Mel yibil. Midupsek misen lil midakniñ, God ninjid nigtep yibil gup. Pen ne nokom chinop tig asikil, titay gipun takaw ak agnigakniñ agñinigabun.

Jisas ne bi God nop sibogep biawl yibil chin ak mideb

14 Bi God nop sibogep biawl yibil chin ak mideb. Ne Jisas nim, God Ñine midil, God man ne alan migan ayan amub. Anib ak chin misen apun, Nop gos nopus apun ak, gos ninjid kiles gil dinigun.

15 Ne apil lum awl yoligup ñin ak, tap si tap timel chinop lipig dad amnimuñ tek lup okok midupsek, miñel chinop titay gup okok midupsek, nop abe gak ak pen, ne tap si tap timel ma gak. Anib ak tek chin kiles ma midon titay chinop gup ak ne nigtep gup tek, chinop pel yimug nigup.

16 Anib ak nim, chin ma pilikil God yil monmon ownigun. God, ne bi yimug ninjid gittep gep mideb. Chin nop yil apon, chinop mapen niginigab. Pen miñel oginap chinop apek, chinop giñinig yimug ninjid gittep ginigab.

5

1 Nigim. Bi God nop sibogep biawl yibil okok midupsek, kili bi nab okok nib ak pen, God kilop keke aglil agek wog nop ak gipal. God ne bi olap nop anigil aglek, ne binib okok kilop giñinig, tap

4:13 Jop 26.6, Sng 33.13-14, 90.8, Snd 15.11 **4:14** Hib 3.1, 7.26, 10.23 **4:15** 2 Ko 5.21, Hib 2.17, 7.26, 1 Pi 2.22, 1 Jo 3.5 **4:16** Epe 2.18, 3.12, Hib 10.19-22

tep dam God nop ñil, tap sibog ñil gup. Anigek, God ne binib tap si tap timel gipal okok tig walig giyokup.

² Pen bi God nop sibogep biawl yibil anib ak, kiles ma midil, ne ke abe tap si tap timel gup. Anib ak binib sawl gil nigtep ma gil gi timel gipal okok, bi God nop sibogep anib ak ne kilop chib niñid takaw sayn agup.

³ Pen ne abe kiles ma midil tap si tap timel gup tek, binib kili tap si tap timel gipal okok ayip, ne ke tap si tap timel gup okok ayip, God anib okok midupsek tig walig giyokimuñ agil God nop tap sibog ñinimumuñ.

⁴ Bi olap ne ke yad bi God nop sibogep biawl yibil ak midil yib awl miden agil, wog anib ak dinimumuñ tek ma lup. Mel. God bi Elon nop aglil agek wog ak gak tek, bi olap nop aglil agek anigup.

⁵ Pen Klays abe anib ak nep. Ne ke yad bi God nop sibogep biawl yibil ak midil yib awl miden agil gos ma nigak. God Klays nop aglil agek, wog anib ak dak. Pen nop agak,

Miñil nep dipin ak, nad ñi yad mide, yad nap nep midebin agak.

⁶ Pen takaw olap buk Baybol miñan ayan mideb ak, ne anib agak, Melkisedek ne bi God nop sibogep ak, nad bi God nop sibogep anib ak tek ak pel pelnep yenigaban agak.

⁷ Pen Jisas lum awl yoligup ñin ak, God ayip agilig nop agnigilig yoligup. God yip tig asik dek ma

5:2 Hib 2.18, 4.15, 7.28 **5:3** Wkp 9.7, 16.6, Hib 7.27 **5:4** Kis 28.1 **5:5** Sng 2.7, Jon 8.54, Hib 1.5, 1.8 **5:6** Sng 110.4, Hib 6.20, 7.1, 7.17, 7.21 **5:7** Jon 12.27, 17.1

kumnim agil gos niñid, God nop agnigilig chañ awl lilig meg migan dad aplanak. Ne God nop anigil gos niñid kidek goligup anib ak tek, agnigup anib ak God nigak.

8 Jisas ne God Ñine mideb ak pen, yul awl dak. Yul awl dil nim, God takaw kidek gep ak nigtep gil, anigil gittep gak.

9-10 God ne takaw agak ak, Jisas midupsek kidek gil gijuwak. Adek anib ak nep, God Jisas nop aglil agak, Melkisedek ne bi God nop sibogep ak, nad bi God nop sibogep anib ak tek mideban agak. Pen binib Jisas takaw nop niñid kidek gipal okok, ne bi kasin gep kili ak midil, kilop tig asik dek pel pelnep yenigabal.

Nibi Klays nop sawl gil ma apyap pakinimib

11 Takaw tikobun anib awl tek, kunjay mideb ak pen, nibi yilik niñid ma nepim. Anib ak titay dil agon, nibi nigtep ginigabim?

12 Nibi ned niñ ak Klays nop dipim, anib ak tek miñil binib oginap God takaw ak kilop agñitep gipikep. Gos nibi pen wulep yowup, anib ak takaw ned nigep okok nibop tepayañ agñeb tek lup. Miñil tap kiles niñinimib tek ak pen, tul niñibilg nep midebim.

13 Chin nopun, an tul niñbil midebal okok, ñapay ñan midebal. Kili tap adek ak tep, tap adek ak timel agil, nigtep ma gipal.

14 Tap midup ak pen, binib awl gipal okok kili anib ak niñibilg midebal. Binib anib okok tek, gos

sek okok gi dad amil, adek ak gitep gep ak, adek ak gi timel gep ak agil, nigtep gipal.

6

¹ Anib ak chin miñil ñisikol paysikol tek ma yonigun, binib awl gipal okok kili takaw nepal tek midil, Klays takaw ne nig dinigun. Klays takaw ne ned niginok ak nep tepayan agil tepayan agil ma aginigayn. Chin Klays takaw ned niginok ak pel niñid lil nim, kal ginig mab meg puñil tepayan tigjuwil, tepayan puñil tepayan puñil gipun tek, kal gijunigun tek ma lup. Takaw anib okok apin ak, wog yokip gipun ak keligil, tap si tap timel gipun ak taynen anigipun agil keligipun takaw ak. Pen God nop gos linopun takaw ak.

² Ñig pakñibun takaw ak. Ñin di midilig God nop agnopun takaw ak. Binib kumil tepayan tikjakinigabun takaw ak. God binib okok kilop bilok lek, pel pelnep yul awl dinigabun akan pel pelnep midtep ginigabun takaw ak. Takaw anib okok minek minek ma aginigun.

³ Pen God chinop Yaw agonimuñ, anib ak ginigabun.

⁴⁻⁶ Binib oginap, God milek ne kilop gek gos pag yikil, tap teplep God man ne alan nib ak dil, God Kawnan ne ak agyokek binib oginap ayip dilak. Kili God takaw ne ak nig dil, takaw tep yibil agil gos nigilak. Pen God kiles ne dil binib kilop kod yenigab ñin ak, kili kiles anib ak di yelak. Binib anib okok pen, kidek God nop kud ñil keligil apyap

6:1 Apo 8.14-17, 17.31-32, 19.4-5, Lom 2.16, Plp 3.12-14, Hib 5.12, 9.14 **6:4-6** Mat 12.31, Gal 3.2, Epe 2.8, Hib 10.26-27, 10.29, 10.32, 1 Pi 2.3, 2 Pi 2.20-21, 1 Jo 5.16

pakinigabal ak, titay dinigabal? Kili adikid, tap si tap timel gipun ak taynen anigipun, keliginigun agil, aniginigel tek ma lup. Kili tap timel anigilak ak, God Ñine nop mab bak alaŋ chipil pak tibik lilak tek tepayan gilak. Anigelak, binib okok nop misenj lil agjulak.

⁷ Man ak pelpel pakil, lum migan ayan amub. Pen lum ak gek tap midup jak tep gil midup pulek, binib wog gipal okok ñinjinigabal ak, God lum anib ak gitep yibil ginigab.

⁸ Pen nag ñuñu sek mab ñuñu sek okok nep jakinigab ak, lum timel gil keligek pisnep sagi dinigab. God ne anigek, kidek lum anib ak pisnep yinel kul ginigab.

⁹ Bogilak tep yad okok, nibop takaw awl tek agobun. Ak pen nibop gos niñid, anigil gos nopun, kanib tep adek ak kidek ginigabim. Kidek gem, God nibop tig asik dinigab.

¹⁰ God ne bi timel gep ak mel. Nibi binib Klays yıl midebal okok, kilop ned abe miñil abe giñil ditep gipim. Anigem ne niñid nigup, nop gos niñid mapen lil wog tep anib ak gipim. Niñ ak sawl ma ginigab.

¹¹ Pen chinop tep ginigab ak, nibi keke midupsek adek anib ak nep gi midil, amil ne ayip midtep ginigun agil, pel gos nepim tek ginigab.

¹² Yilik yilik ginimuñ tek lup ak, nigtep ginimib. Nibi pen bi okok kili Klays nop gos niñid, miñel oginap apek gos anib ak ma niñid wog ne malik gil giñibal ak, kili gipal tek ak kidek ginimib. Anigem,

God kilop ditep ginigayn agak tek gup ak tek, nibop abe ginigab.

God ginigayn agak tek ak ginigab

13 Bilel God ne Eblaham nop takaw niñid yibil ak aginig, biawl yad tek olap sek ma yek niñid, bi oginap yib kilop ma agak. Yad ginigayn agebin tek ginim agil, yib ne ke agil agak, Yad midebin tek, yepis ma apin niñid yibil agebin agak.

14 Yad nep ditep yibil gil gek, ñapay nad tike, tikel tikel amek, kuñay yibil yenigabal agak.

15 Anib agek, Eblaham God ne ginigayn agak tek ginigab agil, kimigel kod yek yek, nop ditep ginigayn agak tek nep gak.

16 Binib takaw kiles niñid yibil aginig, biawl olap yib nop agil apal, Biawl nim mideb tek, yepis ma apin niñid yibil agebin apal. Anigel, binib okok niñid, ak niñid yibil ageb agil, takaw penpen apal ak keligipal.

17 Bilel God ne binib okok kilop ditep yibil ginigayn agil, kilop takaw niñid yibil ak agek kili nigliak, chinop ditep yibil ginigab. Pen kili takaw anib ak nigtep yibil ginigel agil, ne anib agak, Takaw yad apin ak ma keliginigayn, gos olap kidek ma niginigayn agak. Kiles timel yibil agil agebin, Yad ginigayn agebin tek ginim agebin agak.

18 Pen miñil takaw ominal mideb, God ne yepis ma apin niñid yibil agebin agak ak sek, ne ginigayn agebin tek ginim agak ak sek. Takaw ominal anib okok tig adikil ginimuñ tek ma lup. Pen chin nopun, God ne yepis agep tek ma lup. Anib ak chin

binib pilikil, God yil we gilig opun okok, gos sek yonigun. God ne ginigayn agebin tek ginim agak ak niñid, chinop ditep ginigab ak kod midobun.

19 Chinop ditep ginigab ak kod midobun nim ak, gos timud nibi ak midtep gil kiles ginimib agak tek yonigun. Gos timud anib ak, sip anka di midebal tek yonigun. Pen bi chinop ditep ginigab ak kod midobun ak, Jisas nokom nim. Jisas ne amil, God agnigep kal awl ñiluk migan ayan chech palawl kanibtub pil gilak ak piskid amil, kaw ñiluk migan ayan amnak.

20 Jisas nim, ne bi God nop sibogep Melkisedek ak tek midil, bi God nop sibogep biawl yibil ak pel pelnep yenigab. Ne God agnigep kal awl ñiluk migan ayan ned amil, chinop nen wog giñilig God ayip mideb.*

7

Melkisedek ne bi God nop sibogep biawl ak, yib awl dak

6:19 Wkp 16.2-3, 16.12, 16.15, Hib 9.7 **6:20** Wkp 16.2-3, 16.12-15, Sng 110.4, Hib 3.1, 5.6, 5.10, 7.17, 8.1, 9.24 * **6:20** Ñin nokom olap sap yeb ne kuñay yibil, Yislel bi God nop sibogep biawl yibil ak ne wog awl olap goligup. Chag meme bulmakaw pakil, nikim ak dil, God nop sibog ñoligup. Tap si tap timel gipun ak tig walig giyokinimuj agil, nop sibog ñoligup. Nikim dad, God agnigep kal awl kaw ñiluk migan ayan amoligup. Kaw ñiluk migan ayan anib ak, God ne ke yoligup. Buk Wok Pris sapta 16 ayip, buk Hiblu sapta 9.1-7 ayip niginim. Pen miñil Jisas ne bi God nop sibogep biawl yibil ak midil, God agnigep kal awl God man ne alañ mideb ak, kaw ñiluk migan ayan amub. Migan ayan midil, binib okok gach kilop midupsek tig walig giyokeb. Buk Hiblu sapta 2.17 ayip, sapta 4.14 ayip, sapta 8.2 ayip niginimin.

1 Bi Melkisedek anib ak ne binonim midil, taun Salem kod yoligup. Bi God nop sibogep ak abe midil, God adek alan mideb ak wog ne ak goligup. Pen nin olap, Eblaham ne binonim oginap ayip penpen gil, kilop yuk yokak. Yuk yokil, adikid apil tap teplep okok dad owaknij, Melkisedek apil nop kanib nab nop nebej pakak. Kanib nab nop nebej pakil, God nop agnijid agak, Nad bi Eblaham nop gitep gil kod yenimin agak.

2 Pen Eblaham tap pilig dad owak okok, ne bilokil day wajilem tek agil, Melkisedek nop day nokom nnak. Bi anib ak Melkisedek, yib ne jj ak anigil mideb, Binonim suntep yibil. Pen ne abe binonim midil, taun Salem kod yoligup ak, jj n'im ak anigil mideb, Kimigel midtep gep binonim ak.

3 Melkisedek nonim jj ak anigil mideb, nap jj ak anigil mideb, based jj ak anigil mideb agil agel, ma nopus. Pen nop tikilak nin ak, kumak nin ak agil abe agel, ma nopus. Ne pen bi God nop sibogep pel pelnep yenigab, God N'ine tek yenigab.

4 Bi anib ak Melkisedek nibi nigim, ne biawl yibil yib awl yek. Based yes chin Eblaham, ne biawl yek ak pen ne Melkisedek nop ninid, biawl yibil yek ak agil, tap teplep pilig dad owak okok, bilokil day wajilem tek agil, Melkisedek nop day nokom nnak.

5 Ak ned yibil anigak. Pen kidek Mosis ne buk Baybol takaw ak tikil agak, Eblaham tikek tik dad amil, binib Lipay jj midebal okok, kili bi God nop sibogep okok midil, wog ne ginigel agil tikak. Wog ne gel, tap titay dinigabim okok, bilokil day wajilem tek agil, kilop day nokom ninimib agil

tikak. Anib ak Yislel binib kili takaw Mosis nu kil tikak ak niñid, nibem mam Lipay jij midebal okok kilop pel tap day nokom ñeligipal.

6 Melkisedek ne Lipay jij ak ma mideb ak pen, Eblaham ne tap okok bilokil day wajilem tek agil, Melkisedek nop day nokom ñak. Pen God ne Eblaham nop ditep yibil ginigayn agak ak ne gek Eblaham yib awl dak ak pen, Melkisedek ne God nop agnijid agak, Nad bi Eblaham anib ak nop gitep gil kod yenimin agak.

7 Pen chin anigil nopen, biawl yibil ak ne God nop agnijid agup, Bi anib ak nop gitep gil kod yenimin agup. Bi muk okok midil yokip tek ak pen, ne tap tep anib okok dinimuñ tek lup.

8 Bi Lipay jij ak kili pel tap day nokom dipal okok, mid dad amil milep lil kubal. Kili kubal ak pen Melkisedek nim, ne Eblaham tap okok tap day nokom dak ak, buk Baybol ak Melkisedek ma kumak, kim mideb agil tikilak.

9-10 Bi Lipay jij ak kili pel tap day nokom dipal. Pen Melkisedek ne Eblaham nop kanib nab nop nebeñ pakak ñin ak, Eblaham ne Melkisedek nop tap bilok day nokom ñak. Ñin anib ak, Eblaham ñapay ma tikak. Kidek pen ñapay tikek, tikel amil apil gek, Lipay nop tikak. Pen Eblaham ne Melkisedek nop tap day nokom ñak ak, Lipay nop ma tikak won ak ñak. Ak nim, Lipay ne Melkisedek nop tap day nokom ñeb tek takaw ak, chin anigil gos niñid anib apun.

Bi God nop sibogep kideyil ak, ne bi God nop sibogep ned nib tep kilop ak dup

11 Bilel Yislel binib kili takaw Mosis ñu kil tikak ak dilak. Takaw anib ak anib agak, Bi Lipay jij ak kili bi God nop sibogep wog ak ginigel agak. Kili pen wog ak gel, binib okok God binib ne suntep yibil midebilap, bi kideyil Melkisedek tek ke olap agyokek owak ak ma agyokipikop. Bi Lipay jij ak, bi Elon based kili bielel yoligup ak, kili bi God nop sibogep midilig nep midebilap. Pen tep ma gek, God bi kideyil Melkisedek God nop sibogep tek olap agyokak.

12 Pen bi God nop sibogep okok kilop gek tig adik ke okok lîl nîm, takaw Mosis ñu kil tikak ned nîb ak abe gek tig adik ke okok linimun.

13 Biawl chin ak, buk Baybol nop nokom nîm agñak ak, jij ne olap ke. Pen jij ne anib ak, ned bi olap bi God nop sibogep wog ak ma gup.

14 Chin nopun, Juda jij ak nokom tik dad amil, Biawl chin ak nop tikilak. Pen bi Juda jij oginap, kili bi God nop sibogep wog gi yenigel ak, Mosis takaw anib oginap ma agak.

15 Adek anib ak nep chin nigtep gipun, bi God nop sibogep kideyil nîm ak apjakil, ne Melkisedek nep tek mideb. Ne ke nokom midil, bi God nop sibogep ned nîb okok kilop silawup.

16 Pen binib okok kili bi anib ak jij ne ak gos ninjid agel, ne bi God nop sibogep ma yek. Mel. Ne pen bi pel midep ak, kiles ne ak dil pel pelnep midenigab, tap olap nop ginimuñ tek ma linigab. Kiles anib ak nop gek, ne bi God nop sibogep mideb.

17 Chin nopun, buk Baybol ak tikil anib agak, Melkisedek ne bi God nop sibogep ak, nad bi God

nop sibogep anib ak tek ak pel pelnep yenigaban agil tikak.

18-19 Anib ak chin nopun, ginigel ma ginigel takaw ned nib anib ak, kiles ma midil chinop gitep ginimuñ tek ma lup. Pen tap oginap gek midtep ginimuñ tek ma lup. Anib ak tek God ne takaw ned nib anib ak pisnep keligup. Pisnep keligil, kanib tep kideyil olap chinop yomil, kanib kideyil abun adek anib ak, tep yibil. Amil gos sek kod midil, am am God yil yonigabun.

20 Pen abe, God ne bi anib ak Jisas nop aglek, bi God nop sibogep yek nin ak, yokip ma agak. Takaw yepis ma apin ninid yibil agebin ak agil nop aglak. Bi ned nib kili bi God nop sibogep yenigel agil kilop aglilik ak, yepis ma apin ninid yibil agebin takaw ak ma aglilik.

21 God pen yepis ma apin ninid yibil agebin ak agil Jisas nop aglek, ne bi God nop sibogep ak yek. God ne aglil agak, Nad bi God nop sibogep ak pel pelnep yenigaban agak. Yad God Biawl ak, takaw yepis ma apin ninid yibil agebin, gos timud kideyil ma niginigayn agak.

22 God Jisas nop takaw aglak ak, anib ak ninid chin nopun, takaw ag adek nokom lak ned nib ak wos mel ak pen, Jisas ne takaw ag adek nokom lak kideyil ak kod midil gek, takaw teplep yibil wos yibil mideb.

23 Bi God nop sibogep ned nib okok, kuñay yibil tek wog anib ak deligipal. Olap kumek, kideyil olap agel, wog anib ak gi yoligup. Ak kumek kideyil

ak yолигуп, ak kumek kideyil ak yолигуп ak nim,
olap pel ma yолигуп.

24 Jisas pen pel pelnep yenigab anib ak tek, ne
bi God nop sibogep wog anib ak ma keliginigab, bi
olap ke wog anib ak ma dinigab.

25 Jisas ne pel pelnep midil, binib God yil amebal
okok kilop gos niyid God nop pel agniginigab. Anib
ak ne binib anib okok God yil yenigel agil, kilop dil
tig asik dinimun tek lup.

26 Bi God nop sibogep biawl yibil anib ak, chinop
pel ditep yibil gup. Ne bi suntep God agup tek nep
gil, tap si tap timel sikol sikol oginap ma gil, God
nigek gach sek ma mideb. Pen God bi anib ak nop
gek, ne binib tap si tap timel gipal okok yil ma
midil, pal okok God man ne awl alaŋ mideb.

27 Bi God nop sibogep biawl yibil ned nib okok,
kili nin nokom nokom tap pakil God nop sibog
nibal. Ned tap si tap timel kili ke gipal tek, tap pak
God nop sibog nil, kidek binib tap si tap timel gipal
tek, tap pak God nop sibog nil. Jisas pen anigil
ma gup. Minek nokom ne chinop nen mubwak ne
ak dil, God nop nil mab bak alaŋ kumak. Nim tep.

28 Chin nopun, kili takaw Mosis nu kil tikak ak
kidek gil, bi oginap bi God nop sibogep biawl yibil
okok yenigel agil, kilop aglipal. Kilop aglipal anib
okok, kili kiles ma midebal. God pen takaw ne
kideyil, yepis ma apin niyid yibil agebin ak, ne
Nine nop aglak. Aglek, ne bi God nop sibogep
biawl yibil, bi teplep yibil midil pel pelnep yenigab.

8

Jisas ne bi God nop sibogep biawlyibil, God man ne alanj mideb

¹ Pen takaw agobun jij ak anigil mideb. Bi God nop sibogep biawl yibil chin anib ak mideb. Ne amil, Binonim kiles timel yibil besigep ne man ne alanj mideb ak, nin yipid kid okok besig mideb.

² Pen ne bi God nop sibogep biawl yibil wog ak giñeb, God agnigep kal ne ke ak migan ayanj. God agnigep kal anib ak, binib ma gilak, Biawl ne ke gak.

³ Chin nopun, bi God nop sibogep biawl yibil okok, kili tap tep dam God nop nil, tap sibog nil ginigel agil kilop midupsek aglilik. Anib ak tek bi God nop sibogep biawl yibil nim ak, ne abe tap tep olap dam God nop ninimunj.

⁴ Pen bi God nop sibogep okok, kili takaw Mosis nu kil tikak ak kidek gil, tap tep dam God nop nibal. Anib ak bi anib ak lum awl midil, bi God nop sibogep ma yobikop. Ne pen God man ne alanj mideb.

⁵ Bi God nop sibogep okok lum awl midil, God agnigep kal awl migan ayanj midil wog gipal. Pen kal awl anib ak, tap kawnan yokip tek mideb. Kal yibil ak, God man ne alanj mideb. Anib ak Mosis God agnigep sel kal ak ginig gaknij, God agak, Chil dum alanj midil, nad sel kal yip ak gil, tap okok anib anib gil linimin agil anib apin tek nep, midupsek anigil gilitep ginimin agak.

6 Miñil pen bi God nop sibogep Jisas, wog ne gup ak teplep yibil mideb, bi God nop sibogep ned nib okok wog kili geligipal ak yokip tek mideb. Pen ne abe bi nab nib chin midil, takaw ag adek nokom lak kideyil ak gek wos gup. Takaw ag adek nokom lak kideyil ak teplep yibil mideb, takaw ag adek nokom lak ned nib ak yokip tek mideb. Pen takaw ag adek nokom lak kideyil ak, God ne binib okok kilop gittep yibil ginigayn agak ak, ne aglak tek nep gup.

7 Nigim. Takaw ag adek nokom lak ned nib ak teplep yibil gobikop, God takaw ag adek nokom lak kideyil ak ma dad opikop.

8 Pen binib okok gittep ma gilak tek, God ne bi gos ñek agñeb ak nop agek, takaw kil tikil agak,

Biawl ne agup, Nigim. Ñin aglinek ak apjakil, yad takaw ag adek nokom kideyil ak linigayn agup agil tikak. Yislel binib okok ayip, Juda binib okok ayip, takaw ag adek nokom kideyil linigayn agup agil tikak.

9 Pen takaw ag adek nokom kideyil linigayn anib ak, bilel nised yes okok takaw ag adek nokom linek tek ma linigayn agup agil tikak. Ñin anib ak man Yijip yelaknij, yad kilop dil ponjd dad Yijip nib ownek agup agil tikak. Kili pen takaw ag adek nokom linek ak kidek ma gilak ak nim, kilop kud nil keliginek agup agil tikak.

10 Yad Biawl nibi ak, yad takaw anib agebin agup agil tikak. Kidek ñin ak, yad Yislel binib okok ayip takaw ag adek nokom linigayn agup agil tikak. Pen

takaw anib ak anigil mideb agup agil tikak. Takaw yad apin ak, yad dil gos timud kilop lil, gos kili nab ayan kil tикинигайн agup agil tikak. Pen yad God kili yenigayn, kili binib yad yenigabal agup agil tikak.

11 Binib yib ma mideb okok ayip binib yib mideb okok ayip, kili midupsek yip nigtep ginigabal agup agil tikak. Anib ak tek nñin anib ak, binib okok kili numi nimam okok sek, binib kili okok sek kilop, Nibi Biawl ak nop nigtep ginimib agil, gos anib ak nñijid ma agñinigabal agup agil tikak. Midupsek yip nigtep ginigabal agup agil tikak.

12 Taynen? Tap si tap timel ginigabal ak, kilop mapen nñijid keliginigayn ak nim, gos anib ak nñigil ma yenigayn agup agil tikak.

13 Pen God takaw ag adek nokom kideyil lil agak tek, takaw ag adek nokom ned nib lak ak chech wul lil timel gup tek gup. Pen tap okok chech wul lil timel gup tek gup ak, pisnep kul ginigeb.

9

Bi God nop sibogep ned nib okok, chag sipsip pakil nikim dil, God nop sibog nñibal

1 Pen God takaw ag adek nokom lil ned nib agak ak, nop kigom yimil agniginig, yokip kigom yimil agniginigel tek ma lak. God agak tek nep kidek gil kigom yimil agnigeligipal. Pen ne abe agek, kili sel kal agnigep olap lum awl gilil, migan ayan God nop kigom yimil agnigeligipal.

2 Sel kal anib ak, kal migan ominal gilak. Kal nñruk migan ned ameb olap, kal migan suntep ak

agilak. Migan anib ak lam ak midil, abañ ak midil, bilet God wiðin midup adek leligipal ak abañ adek ak midil gak.

3 Pen kal ñiluk migan ayan olap, chech palawl kanibtub pil gilak. Migan anib ak, God kal ñiluk migan ayan suntep ke yibil tep ak agilak.

4 Pen migan anib ak, abañ adek gol dil gilil, tap kuy tep owep ak dagileligipal adek ak yek. Pen mab bokis olap gol dil gilak ak abe yek. Mab bokis anib ak, kili God takaw ag adek nokom lep mab bokis ak agilak. Mab bokis migan ayan tap ñijeb olap, bilet Mana* apal ak, kinag gol dil gilak ak migan ayan dili yek. Pen bi Elon yıl kodim dad ajoligup ak, yıl kodim anib ak kuwjon pakak ak abe migan ayan yek. God takaw ag adek nokom lil agil tikak kab pis omijal ak sek, abe mab bokis anib ak migan ayan lel yek.

5 God mideb awl agil, mab bokis adek siňak, tap kawnan ensel tek omijal pilikid bad sek pispis gilak. Binib tap si tap timel gel God niňid tig walig giyokoligup tep ak, mab bokis adek alan yu gep bad ak. Tap anib okok takaw ak, miňil palsek agil tikinim tek ma lup.

6 Pen tap anib okok midupsek gilel midakniň, bi God nop sibogep okok, kili minek minek sel kal agnigep anib ak, ñiluk migan ned suntep ak amil,

9:3 Kis 26.31-33 **9:4** Kis 16.33, 25.10-16, 30.1-6, Nam 17.8-10, Lo 10.3-5 * **9:4** Tap ñijeb olap, bilet Mana apal ak, God ne tap ñijeb anib ak bilel Yislel binib kilop ñak. Kili man Yijip keligil, man nep binib ma yelak nab okok ajeligipal ñin ak, God tap ñijeb bilet Mana anib ak kilop ñoligup. Pen Kisim Bek sapta 16 ayip Buk Song sapta 78 lain 24 niginimb. **9:5** Kis 25.17-18 **9:6** Nam 18.2-6

God nop wog ak geligipal.

7 Pen kal agnigep ñiluk migan ayan suntep ke yibil ak, bi God nop sibogep biawl yibil ak ne nokom sub nokom nokom, ñin nokom olap amoligup. Ne pen yokip ma amoligup. Chag sipsip nikim dad nep, migan ayan anib ak amoligup. Tap si tap timel ne ke gak okok sek, binib nigtep ma gil tap si tap timel gilak okok sek, God niñid tig walig giyokañ agil, nikim ak dad migan ayan anib ak amil, God nop ñoligup.

8 Gak anib ak, God Kawnan ak chinop yomek nopus, sel kal agnigep anib ak midakniñ, kal ñiluk migan ayan suntep ke yibil ak amil God nop agniginigun tek ma lup.

9 Pen sel kal agnigep anib ak, kawnan tek ak tap miñil apeb okok chinop yomub. Sel kal agnigep migan ak, kili kigom yimil God nop agnijid, tap teplep God nop ñil, chag meme chag sipsip tap okok dad apil, pakil God nop sibogipal. Pen tap anib okok kilop gek, chibol nab kili ayan midtep gil binib teplep ne yenigel tek ma lup.

10 Tap God nop sibog ñibal anib okok, tap midup anigil ñiñinimib, ñig ak anigil ñiñinimib, ñin ñig li yokil aniginiñib tap ak. Tap anib okok pen, mubwak ak tap. God agek binib kili tap nop sibog ñil, anigil gel amil amek, kidek God tap okok midupsek gititep gek tap kideyil yenigab.

Jisas nikim ne ke ak dil, God nop sibog ñub

11 Pen Klays apjakil, bi God nop sibogep biawl

9:7 Kis 30.10, Wkp 16.2-34, Hib 5.3, 7.27 **9:8** Jon 14.6, Hib 10.19-20 **9:9** Gal 3.21, Hib 7.18-19, 10.1-2 **9:10** Wkp 11.2, 11.25, 15.18, Nam 19.7, 19.11-13, Epe 2.15, Kol 2.16, 2.20, Hib 7.16 **9:11** Hib 3.1, 8.2, 10.1

yibil ak midil gek, tap tep gup ak apjakup. Ne sel kal agnigep kideyil migan ak amil mideb. Pen sel kal agnigep kideyil anib ak, teplep yibil mideb, sel kal agnigep ned ak yokip yek. Kal kideyil ak binib ma gilak, anib ak lum awl yil ak ma yibil mideb.

12 Pen Klays ne kal agnigep niluk migan ayan suntep ke yibil ak amnig, chag meme chag bulmakaw niluk pakil, nikim dil God nop sibog ninim agil ma amnak. Nikim ne ke ak dil, God nop sibog ninig amil, minek nokom yibil dad kal niluk migan ayan suntep ke yibil ak amnak. Amek nim, chinop giñil anigil dek, pel pelnep yonigabun.

13 Chin nopun, binib tap si tap timel gil asin midebal okok, kili apel, bi God nop sibogep okok kili chag meme chag bulmakaw pakil nikim ak dipal. Nikim dil, chag bulmakaw neb malep ak mab dagilel pisnep yin bij tikak bad oginap dil, yinigak bij kab ak sek nikim ak sek binib wak kilop okok askoy pakñibal. Kilop anigil pakñel, binib okok kili asin ma midil God binib suntep ne yibil midebal.

14 Klays nikim ne ak pen tap awl yibil mideb. Klays ne tap si tap timel gil asin ma mideb. Pen God Kawnan ne ak pel pelnep yenigab ak, ne Klays nop gek, bi kili God nop sibog neligipal tek ak, Klays chinop nen agil kumil, nikim ne sibog ñak. Anib ak tek ak, nikim ne sogek mubwak chinop nep gek suntep ma midobun. Tap titimel timel gipun okok midupsek gek sunj lek, chibol nab chin ayan midtep gil binib suntep ne midobun. Anib ak wog

9:12 Dan 9.24, Hib 9.26, 10.4, 1 Pi 1.19 **9:13** Wkp 16.3, 16.14-16, Nam 19.9, 19.17-19, Hib 10.4 **9:14** Lom 6.13, 6.22, Epe 5.2, Tat 2.14, Hib 6.1, 1 Pi 1.18-19, 1 Jo 1.7

yokip apyap pakipal adek ak keligil, God pel midep ak wog nop gitep ginigun.

Klays nikim ne sogek, takaw ag adek nokom lak kideyil ak wos gup

¹⁵ Klays nikim ne sogek God binib sunjtep ne midobun. Pen ne kumil, binib okok kilop pisnep dek kim amel, tap si tap timel gipal ak tig walig giyokup. Tap si tap timel anib okok, takaw ag adek nokom lak ned yek nin ak gipal. Pen Klays ne anigak ak nim, takaw ag adek nokom lak kideyil ak wos gek, ne bi nab nib ak mideb. Anib ak binib God kilop suk agil aglek nop niqid kidek gipal okok, God bielel agak, Napay yad okok kilop gek pel pelnep yenigabal agak ak, kili takaw anib ak dinigabal. Takaw anib ak, God ne niqid yibil agebin agil anib agak, Kili pel pelnep yenigabal agak.

¹⁶⁻¹⁷ Bi olap takaw kiles ak agil agup, Yad kumen, tap yip okok apin tek bilokinimib agup. Takaw anib ak, takaw ag adek nokom lup tek mideb. Pen ne anib agek, takaw ag adek nokom lup anib ak niqid, yokip yibil midel midel, pisnep kumek nep, agup tek bilok lipal. Ne kim yekniq, tap nop ma bilok lipal.

¹⁸ Anib ak nep, God takaw ag adek nokom lak ned ak, kili chag meme chag bulmakaw pakil nikim dil sogel nep, takaw anib ak wos gak.

¹⁹ Mosis God takaw kiles agak ak nu kil tikak okok, ne binib okok midupsek kilop agni day juwak. Agni day juwil, chag bulmakaw niluk chag

9:15 Lom 5.6, 1 Ti 2.5, Hib 3.1, 7.22, 8.6, 1 Pi 3.18 **9:16-17** Gal 3.15

9:18 Kis 24.6 **9:19** Kis 24.3-8, Wkp 14.4-7, 16.14-15 **9:19** Kis 24.6-8

meme pakil nikim dil, ñig oginap sek dil tig adik madik gak. Mab lek kid ak dil, nag olap dak. Nag anib ak, chag sipsip wij dil nag malikil, kalom pogilak ak. Pen nag anib ak dil, mab kid anib ak day alan tun gil, ñig nikim anib ak tawak. Tawil, mij ñu kil tikak anib ak sek, binib ap yelak okok sek askoy pakñek

20 agak, Nikim anib awl gek, takaw ag adek nokom lak ak wos geb agak. God ne takaw ag adek nokom lak anib ak agil agak, Takaw anib ak nig dil kidek ginimib agak.

21 Pen Mosis ñig nikim ak dil, God agnigep sel kal ak sek, kinag tap agnigep titay kal migan yek ak sek, kidek anib ak nep askoy pakñak.

22 Chin nopus, takaw Mosis ñu kil tikak ak anib agak, Nikim nep tap okok gek, suntep yek God nigeck tep gup agak. Pen chag meme chag bulmakaw okok pakel nikim ma sogek, God binib tap si tap timel gipal okok ma tig walig giyokup.

*Klays tap timel gipal okok tig walig giyokinig,
wak ne ke dil God nop ñak*

23 Tap God agnigep sel kal migan ayan mideb anib okok, tap kawnan yokip tek mideb. Tap yibil God man ne alaç mideb, tap lum awl kal migan ayan okok kawnan yokip tek mideb. Pen kili chag meme chag bulmakaw okok pak sibog ñel nikim ak gek, tap kal migan anib okok suntep yek God nigeck tep ginimuñ. Ak tek ak tap yibil God man ne alaç mideb okok, suntep yek God nigeck tep

ginimuñ agıl, tap teplep yibil olap ke sibog God nop ñinimuñ.

24 Chìn nopen, Klays ne God agnigep kal binib gilak migan ak ma amnak. God agnigep kal anib ak, kal kawnan yokip tek mideb. Agnigep kal yibil ak God man ne alanj mideb, kal binib gilak ak kal kawnan yokip tek mideb. Klays pen, God man ne alanj ke nep migan ayan amıl, God yıl yipid gil amıl, chìnop nen God nop agnigilig mideb.

25 Pen nigm. Bi God nop sibogep biawl yibil okok, sub nokom nokom, ñin nokom olap, nikim kili ke mel, chag sipsip tap okok pakil nikim dilak. Dil, God nop siboginig, God kal ñiluk migan ayan sunjtep ke yibil migan ak abal. Klays pen anib ak ma gup. Ne God man ne alanj migan ayan amıl, mubwak ne ke ak dil, God nop sibog ñak. Pen ñin kuñay anigil ma gup.

26 Adek anib ak tek gipikop ak, biele man alwol gilak ñin ak tikil, mid dad apil midobun ñin awl, pel sub okok sub okok yul dil kubikop. Pen ñin tapin padikup ñin awl, binib okok tap si tap timel gach ak tig walig giyokinig apjakil, minek nokom yibil mubwak ne ke ak dil, God nop sibog ñak.

27 Binib okok midupsek minek nokom yibil kumil, kidek kot niginigel.

28 Anib ak nep pen Klays binib kuñay yibil tap si tap timel gipal okok tig walig giyokinim agıl, minek nokom yibil mubwak ne ke ak dil, God nop sibog

9:24 Lom 8.34, Hib 6.20, 8.2, 1 Jo 2.1 **9:26** 1 Ko 10.11, Gal 4.4, Hib 7.27, 9.12, 1 Pi 3.18 **9:27** Stt 3.19, Sav 3.20, Ais 53.12, 2 Ko 5.10, Plp 3.20, 2 Ti 4.8, Hib 10.10, 1 Pi 2.24, Lep 20.12-13 **9:28** Ais 53.12, Lom 6.10, Tat 2.13, 1 Pi 2.24, 2 Pi 3.12, 1 Jo 3.5

ñak. Pen kidek tep adikid ownigab ñin ak, binib tap si tap timel gipal okok tig walig giyokinig ma ownigab. Binib nop tep gaknij kod midebal okok, kilop pisnep tig asik dinig ownigab.

10

Kili tap pak sibog ñelak ned nib ak, tap timel tig walig giyokinimunj tek ma lup

¹ Pen binib takaw Mosis ū kıl tikak ak niñid, chag sipsip tap okok pak God nop sibog ñibal ak, tap yibil kidek ginigab tek, kawnan pag niñid gipal. Kili God yil amnig gipal anib okok, sub ak sub ak pel gipal ak pen, binib teplep yibil midil midtep ginigel tek ma lup.

² Kidek gipal ñin ak, kilop gek pisnep suntep midebilap ak, gos kuñay niñid, tepayan gil tepayan gil ma gipilap.

³ Pen mel ak. Kili sub ak sub ak tap okok pak God nop sibog ñilig nep midil, tap si tap timel gipal ak niñel gos awl amnak.

⁴ Taynen? Chag bulmakaw chag meme tap okok pakel niñim sagek, niñid tig walig giyokinimunj tek ma lup.

⁵⁻⁶ Anib ak Klays lum awl ownig gak, ne God nop agak,

Tap okok pakel niñim sagek nep sibog ñibal okok, yip ñinigel agil gos ma nige nep tep ma gup agak. Pen tap anib okok dagilel pisnep yin bij tikup ak sek, tap nep sibog ñel gach kilop

10:1 Kol 2.17, Hib 8.5, 9.9-11, 9.23, 10.4 **10:3** Wkp 16.21, Hib 9.7 **10:4** Mai 6.6-7, Hib 9.13, 10.11 **10:5-6** Ais 1.11, Amo 5.21-22

10:5-6 Sng 40.6-8

tig walig giyokup ak sek, anib okok abe nep tep ma gup agak. Ak pen mubwak yip olap gilinak agak.

7 Gilenak yad aginek, God, yad awl nep midebin aginek agak. Kili nu kil tikil agilak tek, yad apil nad gos niqid apan tek ginim aginek agak.

8 Klays takaw anib ak omijal agak. Takaw ned ak, takaw Mosis nu kil tikak ak, nibi anigil sibog ninimib agak ak niqid, anib agak, Tap okok pakel nikim sogek nep sibog nibal okok sek, tap dagilel pisnep yin bij tikup ak sek, tap nep sibog nel gach kilop tig walig giyokup ak sek, anib okok yip ninigel agil gos ma nige nep tep ma gup agak.

9 Pen takaw kidek ak anib agak, God, yad awl nep midebin agak. Yad apil, nad gos niqid apan tek ginim agak. Takaw anib ak agek, God ne takaw ned nib chag sipsip tap okok pak sibog nibal ak keligil, takaw tep kideyil agak ak gek wos amub.

10 Jisas Klays ne God gos niqid agak tek niqid, tap si tap timel gipun gach ak wik yokinig, minek nokom yibil mubwak ne ke ak dil, God nop pisnep sibog nak. Pisnep sibog nak ak nim, binib suntep ne yibil midobun.

Klays wak ne ke dil, God nop sibog nak ak nep, tap timel tig walig giyokinigab

11 Bi God nop sibogep okok midupsek, kili minek minek jak midilig God wog nop giñibal. Pen tap okok anigil nep pelpel pak sibog nibal ak, God

ninjid binib tap si tap timel gipal okok tig walig giyokinimun tek ma lup.

12 Klays pen, binib tap si tap timel gipal okok tig walig giyokinim agil, minek nokom yibil mubwak ne ke ak dil, God nop sibog ñak. Wog anib ak pisnep gjuwil, am God ñin yipid kid okok ken besigak.

13 Besig kod midil mid dad amil, God ne binib Klays ayip penpen gep okok kilop tob muk ne okok lek, taw tibikinigab ñin ak ownigab.

14 Ne ñin nokom yibil mubwak ne ke ak dil, God nop sibog ñak. Anigak ak nim, binib God binib suntep yad yibil yenigel agil gos nícup okok, Klays kilop gek, God binib suntep ne yibil miñil midil, pelpel suntep yibil yenigabal.

15 God Kawnan ne ak abe, chinop takaw anib ak tek agnak. Ne ned anib agak,

16 Biawl agup, Kidek ñin ak, yad kili ayip takaw ag adek nokom linigayn agup agak. Pen takaw anib ak anigil middeb agup agak. Takaw yad apin ak, yad dil gos kili nab ayan lil, gos timud kilop nab ak kil tikinigayn agup agak.

17 Pen takaw olap agak,

Tap si tap timel ginigabal ak sek, takaw yad tibilikinigabal ak sek, ninjid keligil gos anib ak nigliq ma yenigayn agup agak.

18 Pen anib okok ninjid pisnep tig walig giyokinigab anib ak tek, tap olap pak God nop sibog ñinimun tek ma linigab. Wog anib ak gjuwil, tepayañ ma ginigab.

Chin ma pilikil God yil monmon ownigun

19 Mam ay sikop, Jisas kumil nikim sogek, tap si tap timel gipun ak tig walig giyokup. Anib ak chin ma pilikil, God kal niluk migan ayan suntep ke yibil migan ak ownigun.

20 Jisas chinop agil mubwak nop timel gel kumil tikjakak, anib ak tek kanib kideyil chin ak yikak. Chech palawl kanib anib ak pil gilak ak, pisnep yikek kal niluk migan ayan suntep ke yibil migan ak amnigun tek lup.

21 Pen abe, ne bi God nop sibogep bawil yibil chin ak midil, God binib ne midupsek kilop kod mideb.

22 Nikim ne ak dil, gos chinop nab ayan yokup. Anib ak chin nopen, chibol nab chin ayan gach ma midil, midtep gil binib ne midobun. Pen wak chinop nig kayig tep tek askoy paknek, binib suntep ne midobun. Anib ak tek, gos chin nab ayan midtep gil yepis ma ginigun, gos awl ma nighun agil pel gos niqid nop chig tep ginigun. Anigon nim, chin ma pilikil God yil monmon ownigun.

23 Chin nopen, God tap okok ginigayn agup tek ginigab. Midupsek ginigab, olap ma keliginigab. Anib ak takaw chinop aglek niqid pel agnibun ak, ma keliginigun. Tap teplep dinigabun agil gos sek kod yonigun.

24 Pen chin ninokom, God binib ne kili gos sek midil gitep yibil ginigel agil, gos nig yonigun. Gos

10:19 Lom 5.2, Epe 2.18, 3.12, Hib 4.16, 9.8, 9.12 **10:20** Mat 27.51, Jon 10.9, 14.6, Hib 9.3, 9.8 **10:21** 1 Ti 3.15, Hib 4.14 **10:22** Wkp 8.30, Ese 36.25, Epe 3.12, 5.26, Hib 9.14, Jem 1.6, 1 Jo 3.21 **10:23**
1 Te 5.24, 2 Te 3.3, Hib 4.14, 11.11

nig midil kilop anigon, kili penpen mapen yibil lil,
penpen gitep giñinigel.

25 Chin God binib ne midobun okok, pelpel
apnan ginigun. Binib oginap apnan ginigun anib
ak keligipal ak pen, chin ma yibil aniginigun. Pen
Biawl ownigab ñin ak wulep mideb agil, takaw
tep ak kiles gil agñil gos sek midil, pelpel apnan
giñigun.

God Ñine nop mayibil kud ñil keliginigun

26 Nigim. Takaw niñid yibil ak agel nigtep gil,
pen gos chin ke niñid adikid tap si tap timel gon
amenigab, tap olap God nop pak sibog ñek tap si
tap timel gipun okok tig walig giyokimun tek ma
mideb.

27 Adek anib ak pen, God binib tig asik
bilokinigab ak sek, mab miñilan binib God nop
milik nigenigabal kilop sij timel yinub ak sek, chin
gos anib niñid jel gek pilikilig kod yonigabun.

28 Bi olap takaw Mosis ñu kil tikak ak niñid,
tap yokip tek lek tibilikak tek, binib omiñjal akan,
omiñjal nokom wiñin niñid agyikilak ak, kili bi anib
ak nop chib ma niñinigel. Agel nop pisnep paklel
kumak.

29 Bi olap pen ne God Ñine nop aleb aleb ñil bi
yokip tek lek gos niñup ak, ne titay dinigab? Binib
takaw Mosis ñu kil tikak ak niñid tap yokip tek lek
tibilikipal okok, kili miñel dil pisnep kubal ak pen,
bi anib ak ne miñel awl dil yul awl yibil dinigab.
Pen ne God Ñine nikim ak abe niñid tap yokip tek

lek gos nigeck, miñel awl dil yul awl yibil dinigab. Taynen? Níkim anib ak sogek, God takaw ag adek nokom lak ak wos amnak. Amek, bi anib ak God bi sunjep ne olap mideb ak pen, kidek níkim anib ak tap yokip tek lek gos nigup. Pen ne God Kawnan ne ak chinop yimug ninjid gitup gup ak nop, abe aleb aleb ñil agjup. Anib ak tek miñel awl dil yul awl yibil dinigab.

30 Chin nopun, God ne ke agak, Binib gi timel gipal okok, yad nokom kilop pen gi timel gil yipil awl ñinigayn agak. Wog anib ak yad pel anigipin agak. Pen takaw olap agak, Biawl ak ne binib ne okok kilop tig asikil, takaw aginigab agak.

31 God pel midep ak, ne bi olap nop pen gi timel gil yipil awl ñinig denigab, gos awl ninjid jel timel gil pilikinimuñ.

God agup tek gon amek, midtep ginigabun

32 Pen ned geligipim ak sawl ma ginimib. Ñin anib ak, God milek tep ninjid depekk, binib okok nibop miñel awl ñel yul awl dipek ak pen, kiles gil jak midil nop ma keligipek.

33 Ñin oginap nibop miseñ lil, takaw timel agil gi timel geligipal. Pen ñin oginap binib oginap kilop anib ak tek gi timel gilaknij, anib okok yil ameligipim.

34 Nibi nepek, tap yibil nibi ak God man ne alan midil, anib okok pelpel yenigab. Anib ak binib apil tap nibop dad okok nibokok nib geligipal ak, ak tap

10:30 Lo 32.35-36, Sng 50.4, 135.14, Lom 12.19 **10:31** Luk 12.5

10:32 Gal 3.4, Plp 1.29-30, Kol 2.1, Hib 6.4 **10:33** 1 Ko 4.9, Plp 1.7, 4.14, 1 Te 2.14 **10:34** Mat 6.20, 19.21, 19.29, Luk 12.38, Apo 5.41, Plp 1.7, Jem 1.2

yokip agil gos awl ma nigem nibop tep goligup. Pen binib nibi oginap nag lak okok, kilop yimug ninjid ditep geligipim.

35 Anib ak ned gittep geligipim ak ninjid, gos sek yenimib. Anigil gos ninjid, Klays nop gos nig midil ma keligil nim, tap teplep yibil dinigabim.

36 Gos nigtep gil, kiles gil jak yenimib. Anigenigabim, God gos ninjid agup tek gem amek nim, yad ginigayn agak tek tek nibop ginigab.

37 Pen buk Baybol ak tikil anib agak, Sikol won olap midil, bi ownigab ak ne apjakini geb agil tikak. Pel ma yenigab, wulep mideb ownigeb agil tikak.

38 Binib suntep yad okok, yip gos lininjd nim, pelpel yenigabal agil tikak. Pen kili adikid yip keligil kidek ma genigel, kilop nigen yip tep ma ginigab agil tikak.

39 Chin pen, binib adikid God nop keligil kidek ma gil, pisnep kul gipal okok ma midobun. Chin binib God nop gos linigel, kilop tig asik dek pel pelnep yenigabal okok midobun.

11

God nop gos linopun jij ak, anigil mideb

1 Binib God nop gos linepal okok, chinop kod yenigab agil nop gos sek kod midebal. Tap kili widin ma nepal okok, mideb agil nigtep yibil gipal.

10:35 Mat 5.12, 10.32 **10:36** Luk 21.19, Gal 6.9, Kol 3.24, Hib 6.12, 9.15, 12.1 **10:37** 2 Pi 3.9 **10:37** Hab 2.3-4 **10:38** Lom 1.17, Gal 3.11 **10:39** 1 Te 5.9, 2 Te 2.14, 2 Pi 2.20-21 **11:1** Lom 8.24-25, 2 Ko 4.18, 5.7

² Bilel based chin sikop, kili God nop anigil gos linigilak. Anib ak tek kilop agak, Nibop nigen yip tep gup agak.

³ Chin God nop gos linijid nim, gos nigtep gipun, God takaw ne ak dil agek, adekab alan lum awl tap okok midupsek apjakak. Tap anib okok midupsek, tap olap widin nopen ak dil ma gilak. Takaw anep agek tap okok midupsek aplan jakak ak widin nopen.

Ebel ayip, Yinok ayip, Nowa ayip, kili God nop gos linigilak

⁴ Bi Ebel ne God nop gos linijid nim, tap teplep dad apil God nop pak sibog nak. Pak sibog nek God nigek tep gak ak pen, nimam Kein tap dad apil God nop sibog nek God nigek tep ma gak. Ebel God nop gos linigak ak nim, nop pen bi suntep yad agil, tap sibog nak ak ninjed, yip tep gup agak. Ebel kumil amek, miñil ayip ma midobun ak pen, ne God nop gos linigak kesim anib ak, chinop gos nilig yibil mideb.

⁵ Bi Yinok ne God nop gos linigak nim, God nop dad amil, man ne alan amek ma kumak. God nop dad amnak nim, nop piyowil ma yibil nigilak. Pen Yinok lum awl yek God nop dad ma amnak nin ak, buk Baybol ak tikil agilak, God Yinok nop nigek tep yibil gak agilak.

⁶ Binib pen God nop gos ma linepal okok, nop kidek ma gel nop tep ginimun tek ma yibil lup. Taynen? Binib God yil amnin agil gos nepal okok, kili God mideb ak gos niginigel. Pen nop piyowil

agninjid, ne ginigayn agak tek chinop anigel ditep ginigab agil, abe gos niginigel.

7 Bi Nowa ne God nop gos linijid nim, ne Nowa nop tap oginap kidek ginigab agak ak, Nowa ne God niñid agup agil kidek gak. Tap anib okok kidek ginigab ak widin ma nigek ak pen, God agak tek kidek gil, sip awl ak gak. Sip awl anib ak gil, bin ne ñapay ne okok midupsek migan anib ak amil midel, kilop gi timel ma gek midtep gilak. Pen Nowa God nop gos linijid anigek, binib lum awl okok pel gi timel gilak ak misen lak. Nowa God nop gos linigak anib ak tek, God Nowa nop agak, Nep nigen bi suntep yad mideban agak. Pen binib God nop anigel gos linepal okok midupsek, kilop anib ak tek agup.

Eblaham God nop gos linigak

8 Bi Eblaham ne God nop gos linigak ak nim, God Eblaham nop suk agil, man olap ke amnimin agak ak, agak tek kidek gak. Nap man ak kelgil, man olap God agak, Man awl olap nep aglinigebin ak nim, am anib okok yenimin agak ak amnak. Man anib ak mideb okok agil ma nigak, yip kod yenigab agil, monmon amnak.

9 Ne God nop gos linijid nim, man awl olap God nop aglinigebin agak ak amil pelpel yoligup. Pen am yek anib ak man ne mel, binib oginap man kili. Ne anigel midil, sel kal gil kin ajoligup. Bi Aysak ayip bi Jekop ayip, ominal gil God kilop abe agak, Man awl anib ak nibop aglipin agak ak, sel kal gil kin ajeligi pil.

10 Pen Eblaham, God man kiles tep pel yenigab ak gos nigtep gil gilak ak, man anib ak kidek yad am yenigayn agil, God nop gos liniñid lum awl sel kal gil kin ajoligup.

11 Eblaham ne God nop gos liniñid nim, ni olap tikak. Ne bi milep lil bin ne Sala abe ñapay wom midil gilek ak pen, God kilop kiles ñek, ni olap tikilek. God agup tek chilop ginigab agil, nop gos nig midil, ni tikilek.

12 Anib ak tek Eblaham bi milep lil kumnig gak ak, ne ñapay tikek, tik dad amil apil gil ñapay kunjay yibil tikilak. Gap adekab alan midil, kab kilup ñig solwala beñ okok midil kunjay yibil mideb, ma niñ pag nepal tek ak tikilak.

13 Bi agobun anib okok, God kilop titay agek, agak tek nep chinop ginigab agil, nop gos nig midil mid dad amil kumilak. Ne agak anib ak ma nigelak. Pen gos awl anib ak ma nigelak, man ne kidek amil niginigabun agil, tep gakniñ midil kumilak. Lum awl midil ageligipal, Chin binib man ke okok nib ju apil midil, binib adek okok ajil midobun ageligipal.

14 Chin nopun, binib takaw anib ak tek apal okok, man chin yipid gil olap mideb ak agil piyow niñid, anib apal.

15 Man kili keliq owlak ak gos amek, adikid abilap ak pen,

16 gos awl kili man teplep yibil olap amnak, God man ne alan ak nep. Pen binib anib okok kili God

11:10 Hib 3.4, 13.14, Lep 21.2, 21.10 **11:11** Stt 17.19, 18.11-14, 21.2, Lom 4.21, Hib 10.23 **11:12** Stt 15.5, 22.17, 32.12, Lo 10.22, Lom 4.18-19 **11:13** Stt 23.4, 1 Sto 29.15, Sng 39.12, 1 Pi 1.17, 2.11

11:16 Kis 3.6, 3.15, Mak 12.26, Apo 7.32, Plp 3.20, Hib 13.14

nop apal, Nad God chin apal, anib ak tek ne kilop nigecknop nebeñ ma gup, nop tep yibil gup. Ak nim ne taun awl ak gittep gilek, kili am yenigabal.

17-18 God ne Eblaham nop takaw olap aglil agak, Ni nad nokom Aysak tikek, tikel amil apil gil kuñay yenigabal agak. Pen kidek nin olap, God Eblaham aginigayn tek ginigab akan agil, nop agak, Ni nad nokom yibil ak nop dam pakil yip sibog ninimin agak. Agek, Eblaham ne God nop gos linijid nim, nine Aysak nop dam bid adek ak tunig lil, God nop sibog ninig gak.

19 Sibog nilig anigil gos ninijid agak, Ni yad ak kumenigab, God gek tepayañ tikjakiniñuñ tek linigab agak. Anib ak nine Aysak ne pisnep kumak tek lak ak pen, nop kim dil dad adikid amnak.

Aysak ayip, Jekop ayip, Josep ayip, kili God nop gos linigilak

20 Aysak ne God nop gos linijid nim, nine ominal Jekop ayip Yiso ayip kilop tap tay kidek ginigab takaw tep ak agnak. God nilop gittep gil kod yenigab takaw anib ak agak.

21 Jekop ne God nop gos linijid nim, ne pisnep kumnig gak nin ak, nine Josep ni tikak ominal ak kilop agak, God nilop gittep gil kod yenigab agak. Anib agil, yil kodim ak dil, nik gil midilic, God yib nop ak dad aplanak.

22 Josep ne God nop gos linijid nim, kumnigebin agil takaw anib ak agak, Kidek nibi man Yijip awl

keliginigabim agak. Ñin anib ak, tñjil yip okok sek dad amil, anigil anigil kaw dinimib agak.

Mosis God nop gos linigak

23 Mosis nonim nap kili God nop gos linijid nim, ñi Mosis nop tikilek ñin ak nigilek, ne ñi teplep yibil yek. Anib ak tek kili Yijip binonim* nop ma pilikil, takaw nop tibilikil, takan omijal nokom ñi ak nop we gel yek.

24 Anigil yek, kidek Yijip binonim payne ak, ne ñi Mosis nop dil yimagiloligup. Mosis pen ne God nop gos linijid nim, ne awl gak ñin ak, ne binib okok kili bin anib ak yip ñine ma aginigel agil gos nigak.

25 Pen lum awl tap si tap timel gilig miñmiñ miden, wulep won ak yip tep ginigab agil, ne gos anib ak ma nigak. Yad pen God binib ne okok kili ayip midenim agil gos nigak. Yijip binib kili God binib ne gi timel gipal okok kilop, yad ayip jimñil midon kili gilan agil, gos anib ak nigak.

26 Ne God tap teplep yibil ñek dinigayn agil pelpel nep gos nigoligup. Anib ak tek, Yijip binib tap teplep yibil kili okok, tap yokip yek yip tep ma gup agil gos nigak. Yad pen Bi God nop aglup ak nop chigen yip agjuwil gi timel ginigabal ak, tep yibil yek yip tep gup agil gos nigak.

27 Mosis ne God nop gos linijid nim, ne Yijip binonim nop milik nigak ak ma pilikil, tikjakil man Yijip keligil amnak. Pen God, binib kili nop widin

11:23 Kis 1.22, 2.2, Apo 7.20

* **11:23** Yijip binib okok, kili binonim kili okok midupsek kilop Pelo ageligipal.

11:24 Kis 2.10-12

11:26 Hib 10.34-35, 13.13

11:27 Kis 2.15, 10.28-29,

12.37, 12.51, 14.13, Lom 1.20, 1 Ti 1.17, Hib 11.1, 11.13

ma nepal ak, Mosis ne nop misen̄ niginimuñ tek lek, kiles gil jakil amnak.

28 Ne God nop gos liniñid nim, Yislel binib okok kilop agek, kili ñin awl Pasopa apal ak, ñin ak chag sipsip ñiluk pak sibogipal ak, anib ñin ak tikjakil gilak. Pen abe kilop agek, chag sipsip ñiluk nikim ak dil, kanibtub kili okok wikel, ensel ap binib ñi ned tikilak okok paklinig, Yislel binib kal kilop ak apil paklinimuñ tek ma lak.

Yislel binib kunjay, kili God nop gos linigilak

29 Yislel binib kili God nop gos liniñid nim, am ñig solwala Nikim apal ak tikil, lum milep ak amil kid adan̄ amnilak. Pen Yijip kay kilop yuk dad nab anib ak apelak, ñig apil kilop yu gek midupsek ñig ñibil kum dilak.

30 Yislel binib kili God nop gos liniñid nim, amil taun Jeliko kab wali palawl kus gil mideb ak, ñin anep kugul ak kuskus gel gel pisnep wakaj sakak.

31 Kanibtam bin Layap ne God nop gos liniñid nim, binib God takaw nop ma nig dilak okok ayip ma kumak. Layap ne bi Yislel ominal ak taun chinop niginig opil agil, kilop di kasin gak, ak nim ma kumak.

32 Pen binib God nop gos linigel, kilop ke yiñil gak kesim okok, taydil palsek aginim? Bi Gideyon, Balak, Samson, Jepta, Depid, Samwel bi okok sek, bi God gos ñek agñeb okok sek, gilak gilak tek agen, takaw palawl amnigab.

33 Bi anib okok God nop gos liniñid nim, bi chim

kadiñ gep man ke okok níb ayıp penpen gil kilop yuk yokılak. Takaw awl okok God gos tep nigup tek tig asıkılak. God kilop takaw aglil agak ak, aníb okok dilak. Pen kili God nop gos linigak ak nim, God ne chen layon meg migan kilop tig piligek, kilop ma suwak.

34 Mab awl yinek ak gel sín gak. Bi oginap baynat dil kilop puñil lun agıläk ak pen, kilop puñil linigel tek ma lek, kim amnilak. Kili bi sayn yelak ak pen, kilop gek bi kiles timel yibil midil, bi chím kadiñ gep midil penpen kiles timel yibil gilig, bi chím kadiñ gep man okok níb okok kilop, pakil yuk yokılak.

35 Bi oginap kumılak okok, kili tepayañ tikjakel bin okok kilop ditep gılak. Bi oginap, bi milik nigilak okok kili bi aníb okok kilop nag lel kumılak. God nop keligebilap, kilop wiśib yokel kim abıláp ak pen, tikjakıl pelpel midtep yibil yonığın agıl, God nop chigil nep yelak. Aníb ak tek, bi milik nigilak okok kili kilop gi timel gel gel kumılak.

36 Pen oginap, bi milik nigilak okok kili kilop agjuwil, nag dil tapın pakil, nag kiles timel tun gıl, nag lıläk.

37 Oginap kab silok paklel kumılak, oginap kili so dil tibilikel dayday lak. Oginap kili baynat dil, pişnep puñil lel kumılak. Oginap kili miñel awl níl gi timel gel gel koslam midil, yimgeptek chag sipsip chag meme wak ak dil, chech tek yimil gi ajeligipal.

38 Anigil ajeligipal ak pen, binib aníb okok bi

teplep yibil yib sek yelak, binib yokip lum awl okok kili tam okok tek yelak. Binib lum awl okok pen binib anib okok kilop gi timel gel gel, kili okok nib okok nib amil, man nep binib ma yelak nab okok sek, dum alaq okok sek, kab migan man migan okok sek kin ajeligipal.

39 Binib agobun anib okok midupsek, kili God nop gos linigel kilop agak, Nibop nigen yip tep gup agak. Pen lum awl yeligipal ñin ak, kilop gitep gil ditep ginigayn aglil agak tek, ñin anib ak ma gak.

40 Taynen ñin anib ak kilop anigil ma gak? Anigil mideb. God ne chinop abe gitep yibil gil dinig nigak tek, kili ned mel, ñin nokom anib ak nep chinop midupsek den, am jimñil midtep ginigel agil gos nigak.

12

Chin Jisas nop nokom nijid kiles gil kidek ginigun

1 Adek anib ak, chin gos kiles gil nijid, kanib God kidek ginimib agak ak yipid gil nep amnigun. Binib God nop gos linigilak agosipun anib okok, kunjay yibil chinop puñil kuskus gil, wisip yu gup tek jak midil nig midebal. Anib ak tek tap gos awl nijid koslam amnigabun okok keligil, tap si tap timel chinop kasek chiginimun tek lup ak keligil, kanib tep yomebal anib ak amnigun.

2 Chin Jisas nop nokom niginigun. Jisas nop gos linopun ak, bi jij chin nim anib ak. Pen ne gos linopun chin ak nijid gek, gos linopun anib ak kidek teplep yibil nep yenigab. Pen ne God agak

11:40 Hib 5.9, 7.22, 8.6, Lep 6.11 **12:1** Lom 7.21, 12.12, 1 Ko 9.24-25, Plp 3.13-14, Hib 10.36, 1 Pi 2.1 **12:2** Plp 2.8, Hib 1.3, 1.13, 1 Pi 1.11, 3.22

ak gitep gil kidek genim, God gek kidek midtep gil miñmiñ timel yibil ginigayn agil gos nigak. Anib ak yip mab bak alan chipil pak tibik linigabal agil, gos awl ma nigak. Pen binib gos nigilak, Bi olap mab bak alan chipil pak tibik lel kumub ak, ne bi timel mideb nebeñ dup nigilak. Yip pen nebeñ dinigab agil gos anib ma niñid, monmon kumak. Anigek, amil God besigep ne ñin yipid kid okok ken besig mideb.

God ne kili midtep gilanç agil, chinop gos timud wukilig minjel ñub

³ Jisas nop gos nigtep ginimib. Binib tap si tap timel gep okok nop milik niñid, timel yibil gil gel amnak ak pen, jak midil gos awl ma nigak. Nibi anib ak gos niñid nim, yilik gek ma keligil, kiles gil gi yenimib.

⁴ Nibi tap si tap timel diyokinig, kiles gil penpen gipim ak pen, penpen gipim anib ak, nibop pakel nikim yapek ma kubim.

⁵ God nibop niñid, kili gos sek yenigel agil takaw tep agñak. Takaw anib ak agñil, nibi ñipay yad okok midebim agak ak, sawl gipim tek lup? Ne agak,

Ñipay yad okol, Biawlkilop mapen lup okok, kilop gos timud wukilig minjel ñinigab ak, ak tap yokip tek gos ak ma yibil niginimib agak. Tap si tap timel gem nibop ag ginigab ak, gos kunjay ma niñid gos sek yenimib agak.

⁶ Nib nepim, Biawlkilop mapen lup okok, kilop gos timud wukup agak. Pen binib kilop dil

ñapay yad agup okok, kilop midupsek tapin pakup agak.

7 Nibop gos timud wukup ak, jak midil gos awl ma niginimib. Nib nepim, nap okok kili ñipay gitep gil midtep gilan agil, kilop gos timud wukipal. Anib ak mijel oginap apek koslam midebim ak, Bapi chinop gos timud wukeb aginimib.

8 God ñipay ne okok kilop midupsek gos timud wukup. Ak pen nibop gos timud ma wukup tek, ñipay ne okok ma midebim. Binib nap sek ma midebim okok nim anigup.

9 Pen nim ak abe niginimib. Bapi chin lum awl okok, chinop gos timud wukel, tep timud wukipal agil yib awl kilop ñibun. Anib ak tek, Bapi man ne alaŋ mideb ak gos timud wukek, nop muk okok midil tep yibil anigup agil gos niginigun. Pen anigil nim, pelpel yonigabun.

10 Bapi chin lum awl gos timud wukipal okok, sikol won olap gos kili ke niŋid chinop gos timud wukipal. God pen chinop gos niŋid, suntep midebin tek nep yelaŋ agil, ditep ginig gos timud wukup.

11 Chinop gos timud wukup won ak, chinop tep ma gek mijel awl gakniŋ midobun. Ak pen gos timud wukil mid dad amek gos tep anigil niginigabun ak, suntep midil yipid gil gitep gil, kimigel midtep gilig gon amnigab.

Gos wos niŋid gon amnimuŋ

12:7 Lo 8.5, 2 Sml 7.14, Snd 13.24, 23.13 **12:8** Sng 73.15, 1 Pi 5.9

12:9 Sav 12.7, Ais 42.5 **12:10** Wkp 11.44, 1 Pi 1.15-16 **12:11**

12 Anıb ak ñin tob sayn gi yowup ak, gos sek midil jak kiles gil yenimib.

13 Kanib yipid gil teplep adek ak amem, tob pījuwonimuñ, kiles gil am gem gem, suñ linigab.

14 Nibi binib okok midupsek ayip jimñil midtep ginigun agil, adek anib ak nep gem amnimuñ. Pen God binib suntep ne yonigun agil, abe gem amnimuñ. Binib suntep ne okok nep, Biawl ak nop niginigabal.

15 Nigtep yibil ginimib. Nigtep ma gem, nibi olap apyap pakil, God chinop yimug niñid gitep gep ak nop keligonimuñ tek lup. Anigil nim, ne nag midup silek tek midil nibop gek, midtep ma gił kuñay nep asiñ wilikinimib tek lup.

16 Pen nigtep ma gem, nibi olap bin si bi si gił akan, God nop kud ñil keliginimuñ tek lup. Gipal anib ak, Yiso bilel gak tek gipal. Yiso ne nap ne Aysak ñine ned nep midil, nap tap teplep kuñay dinimuñ tek lak. Dinimuñ tek lak ak pen, nop yuwan gek tap ñinjin agil, tap teplep dinig gak ak bi olap nop diyokil, tap midup ñin nokom ak nep ñinjeb ak dak.

17 Niñ nepim, kidek ne adikid nap tap teplep okok dinig agak ak pen, God ne mel agak. Nap tap ñinig gak anib ak din agil, chib gek chanj lak ak pen, kanib dinimuñ olap ma yek.

God taun ne Jelusalem, man ne alar mideb ak apjakipun

12:12 Ais 35.2

12:13 Snd 4.26, Gal 6.1

12:14 Sng 34.14, Lom

12.18, 2 Ko 7.1, Epe 5.5, 2 Ti 2.22

12:15 Lo 29.18, Apo 8.23, 2 Ko

6.1, Gal 5.4, Hib 3.12

12:16 Stt 25.29-34

12:17 Stt 27.30-40

18 Nibi tap ñin di nepim okok yıl ma apjakipim, Yislel binib kili bilel ñin di nigeligipal tek. Yislel binib kili dum Saynay yıl am midil nigliak, mab awl yibil yinil, kislim awl yibil apil, yigen awl apil gak.

19 Pen akil awl ak agil, takaw olap agil gak ak abe nigliak. Takaw anib ak agak ak niñid, pilikil Mosis nop agilak, Takaw agup anib ak, tepayan agek ma yibil niginigun agilak.

20 Taynen ma yibil niginigun agilak? God kilop kiles gil agak, Binib, chen chag tap okok olap dum anib ak amil di nigonimuñ, nop kab silok pisnep paklinimib agak. Ak nim, kili niñid pilikil, ma niginigun agil gos nigliak.

21 Pen tap gak anib okok Mosis abe niñid anib agak, Yip jel timel gek pilkebin agak.

22 Nibi pen, tap anib okok tek olap ma apjakipim. Nibi dum Sayon yıl apjakil, God pel midep ak taun ne Jelusalem man ne alan mideb ak yıl apjakipim. Nibi ensel ñin juwil ñin juwil, tawsin milion kunjay yibil apnan gil miñmiñ gil midebal okok yıl apjakipim.

23 Nibi God ñapay ne kili ned nib okok apnan gep tep ak yıl apjakipim. Binib anib okok, ne yib kilop dil ñu kil tikak, mij ayan man ne alan mideb ak. Nibi God ne binib midupsek tig asik bilocep ak nop yıl apjakipim. Nibi binib kili bilel suntep midil kumil, kidek God binib suntep ne yibil midil

12:18 Lom 6.14, 2 Ti 1.7 **12:18** Kis 19.16-22, 20.18-21, Lo 4.11-12, 5.22-27 **12:20** Kis 19.12-13 **12:21** Kis 19.16, Lo 9.19 **12:22** Sng 68.17, Gal 4.26, Plp 3.20, Lep 5.11, 21.2, 21.10 **12:23** Luk 10.20, Plp 4.3, Hib 11.40, Lep 13.8, 14.4

pelpel midtep gebal okok, kawnan kili midebal ak
yıl apjakipim.

24 Nıbi Jisas yıl apjakipim. Jisas, ne nokom takaw ag adek nokom lak kideyıl ak bi nab nıb mideb. Pen nıbi Jisas nikim ne ak yıl apjakipim. Nikim ne anıb ak takaw agup ak, bi Ebel nikim bilel yowak ak takaw agup tek mel. Ebel nikim ne ak takaw sikol ak agak, Jisas nikim ne ak takaw teplep awl yıbil ak agup.

Nıbi nigtep ginimib

25 Nıbi nigtep ginimib. Timud pil gıl, Biawł takaw agup ak yilik nıñid ma nıginigun agıl gos nıñid, ma yıbil ginimib. Mel yıbil. Binib bilel lum awl midil takaw kiles agek ma nig dilak okok, pilik amıl kim amnigel tek ma lak. Ak nım miñıl man ne alan midil takaw kiles agek kud nıl keligonigabun, chinop titay ginigab? Pilik amnigun tek ma yıbil linigab.

26 Bilel nıñ anıb ak, Biawł meg migan ne ak takaw awl agek lum awl ak monmon dak. Miñıl pen takaw olap aglıl agup, Kidek nıñ olap yad gen lum awl monmon dinigab ak pen, lum awl nep mel, adekab alan abe midupsek kaskas ginigab agup.

27 Takaw agak, Kidek nıñ olap agak anıb ak, chin nıñid gos nopun, tap midupsek ne gılak okok gek, anıb okok monmon dil kaskas gıl nım, kul ginigab. Anigek, tap monmon dil kaskas gıl ginimuń tek ma linigab okok nep yenigab.

12:24 Stt 4.10, Hib 8.6, 10.22, 11.4, 1 Pi 1.2 **12:25** Kis 20.22, Hib

2.1-3, 3.17, 10.26-29 **12:26** Kis 19.18, Sng 68.8, Hag 2.6 **12:27**

Sng 102.26, Mat 24.35, 2 Pi 3.10, Lep 21.1

28-29 Tep anib ak, God agek chin binib awl ne ayip kodipun ak, kaskas ma gil mid nep yenigab. Anib ak, tep anib ak gos niijid nop tep aginigun. Chin nopun, God chin ak ne mab tek yinub ak nim, muk ne okok midil yib nop dad aplanigun. Anigil kigom yimil agnigon, nigek nop tep yibil ginigab.

13

Chin anib gonigun, God nop tep ginigab

1 Mam ay okok ayip penpen mapen liliq midil dinimib.

2 Binib okok nib okok nib ownigel ak, kilop ag dap kal migan nibi linimib. Binib oginap, binib okok ag dideg lil ag dinok agil, ensel okok kilop pen ag dideg lil ag dilak.

3 Binib kilop nag lel midebal okok, chin ayip nag lil midobun agil kilop niijid ditep ginimib. Binib kilop gi timel gel koslam midebal okok, chin abe koslam yonigun tek lup agil kilop gos niijid ditep ginimib.

4 Bin bi dipal okok, tap tep yibil. Binib oginap apil, bi bel ominal pisnep dipil anib ak ma tibilikinigel ak nim, God nigek gach sek ma mideb. God binib bin bi dil, kidek bin si bi si ginigabal okok sek, binib yokip bin si bi si ginigabal okok sek, kilop takaw awl yibil ag genigab, yipil awl yibil ak dinigabal.

12:28-29 Lo 4.24, 9.3, Sng 50.3, Ais 33.14, 2 Te 1.8, Hib 10.27 **13:1**
 Jon 13.34, 1 Te 4.9, 1 Pi 1.22, 2 Pi 1.7, 1 Jo 3.11, 4.7, 4.20 **13:2** Stt
 18.1-8, 19.1-3, Mat 25.35, Lom 12.13, 1 Ti 3.2, 1 Pi 4.9 **13:3** Mat
 25.36, Lom 12.15, 1 Ko 12.26, Kol 4.18, Hib 10.34, 1 Pi 3.8 **13:4** 1
 Ko 6.9, Gal 5.19-21, Epe 5.5, Kol 3.5-6, Lep 22.15

5 Mani din agil gos kunjay ma niginimib. Tap chin dipun okok tap tep, chinop tap olap ma tek dup agil gos niginimib. Nib nepim, God ne anib agak, Yad nep ma keliginigayn, yad nep kud ma ñinigayn, mel agak.

6 Anib ak chibol chinop ak tep gek, gos sek midil takaw anib ak aginigun, Biawl yip kod midil ditep gek, ma pilikinigayn aginigun. Binib okok yip tap olap ginigel tek ma lup aginigun.

Biawl okok kili nibop agel nepek ak, sawl ma ginimib

7 Biawl nibi kili ned God takaw nibop agilak okok, kilop gos ninjd sawl ma ginimib. Kili kanib tep adek ak amil wog gitep gi, God nop gos linigilak. Anigel amnak ak nibi gos ninjd, adek nokom anib ak nep tek ginimib.

8 Jisas Klays ne ned yek tek, miñil abe mideb, kidek abe pel anigil yenigab.

9 Binib oginap takaw ke agil, ag amil apil gel, takaw anib ak gos nibop gi timel gek kanib tep adek ak keliginigabim tek linimuñ. God ne chinop yimug ninjd gitep gek, gos chin nab ayan kiles gi yonimuñ ak, anib ak nep tep yibil. Tap ñijeb ma ñijeb takaw ak pen, gos chin nab ayan kiles ginimuñ tek ma lup. Binib okok tap ak ñijeb, tap ak ma ñijeb agil, asik mosik gi midebal ak pen, tap anib okok gek midtep ma gipal.

13:5 Lo 31.6-8, Jos 1.5, Mat 6.25, 6.34, Plp 4.11-12, 1 Ti 6.8 **13:6**

Sng 118.6 **13:7** 1 Ko 4.16, Hib 6.12 **13:8** Jon 8.58, Epe 4.14, Hib 1.12, Lep 1.4 **13:9** Lom 14.17, Epe 4.14, Kol 2.4, 2.8, 2.16, 1 Ti 4.3

10 Chin God nop sibogep abañ adek ak olap mideb. Pen bi God nop sibogep wog nop gi midebal, God sel kal agnigep migan ayan okok, kili tap sibogep abañ adek God nop ñibun ak, ñinjinigel tek ma yibil lup.

11 Bi God nop sibogep biawl yibil ak, chag sipsip chag bulmakaw tap okok pakil nikim dil, God nop siboginig, God kal ñiluk migan ayan suntep ke yibil migan ak amub. Anigek, God ne binib tap si tap timel gipal okok tig walig giyokup. Nonim okok pen damil, midebal sejayañ dagilek pisnep yin sibok amub.

12 Anib ak tek Jisas abe, binib okok kili God binib ne suntep yibil yelañ agil, taun sejayañ amil yul awl dil, nikim ne ke sogek kumak.

13 Adek anib ak nop yil sejayañ amnigun. Amon, nop agjulak tek chinop monmon agjunigel.

14 Chin nopus, lum awl ak, pelpel yonigun tep olap ma mideb ak pen, tep kidek apek pelpel yonigun agil kod midobun.

15 Jisas wog anigil gak, anib ak tek chin pelpel yib awl dil, yib awl anib ak God nop tap pak sibogep tek ak ñon amnimun. Meg migan dad aplanil, yib nop ak pel dad aplanigun.

16 Pen binib okok kilop giñil, gittep gilig tap oginap ñinimib. Anib okok tap sibog ñibal tek anib ak nep gem, God nigeck nop tep ginigab. Anib ak sawl ma ginimib, adek anib ak nep ginimib.

13:10 1 Ko 9.13, 10.18 **13:11** Kis 29.14, Wkp 6.30, 16.27, Nam 19.3

13:12 Mat 21.39, Jon 19.17-18, Apo 7.58 **13:13** Hib 11.26, 12.2, 1

Pi 4.14 **13:14** Mai 2.10, Plp 3.20, Hib 11.10, 11.16, 12.22 **13:15**

2 Sto 29.31, Sng 50.14, 50.23, 69.30-31, Hos 14.2, 1 Pi 2.5 **13:16**

Lom 12.13, Plp 4.18, Hib 6.10

*God ne chinop gek, wog ne midupsek gitep
ginigun tek lup*

17 Biawl n̄ibi okok, kili nibop giñinig, wog gilig nibop kodipal. Pen kidek, wog gipal anib ak God nop agñinigel. Anib ak tek kilop muk okok midil, takaw apal ak niñid kidek ginimib. Anigenigabim, tep gaknij wog ginigabal. Mel ak, koslam wog gel tep ma gek, nibop titay dil kod midtep ginigabal?

18 God nop pel agnigem, chinop kod yonimuñ. Chin gitep ginigun agil pel gos nopun. Anib ak anigil gos nopun, chibol nab chin ayanj yipid gil midtep gup.

19 Yad nibop kiles gil agebin, God nop agnigem yip giñek, midebim ak kasek adikid ownigayn.

20 Biawl chin Jisas, ne bi chag sipsip mukep kiles timel ak. Nikim ne ke ak dil God nop sibog ñek, takaw ag adek nokom lak pel pelnep yenigab ak wos gup. Anib ak God bi kimigel midtep gep ak, ne Jisas nop gek tepayanj tikjakak.

21 Pen God nop anigil agnepin, ne nibop ditep gil kod midaknij, gos ne midupsek yipid gil kidek ginimib tek lup. Abe agnepin, ne Jisas Klays nop gos niñid chinop gek, gos ne ke niñid anib agup tek ginigun. Pen Klays nop yib awl ñinigun, pel pelnep ñilig yonigun. Yaw.

Takaw day won oginap

22 Pen mam ay sikop, nibop yilik ma gonimuñ agil, takaw palawl ma apin. Wulep won ak apin.

13:17 Ese 3.17, 1 Te 5.12, 1 Ti 5.17 **13:18** Apo 23.1, 24.16, Lom 15.30, 2 Ko 1.12, Kol 4.3 **13:20** Ais 55.3, Jer 32.40, Ese 37.26, Sek 9.11, Lom 15.33, 1 Ko 6.14, Hib 10.29, 1 Pi 2.25 **13:21** Gal 1.5, Plp 2.13, 2 Te 2.17, 1 Pi 5.10

Anib ak kimigel gos sek m̄idil, takaw apin anib ak nigtep yibil ginimib.

²³ Pen nibop agñen niginigebim, mam chin Timoti nop nag lak ak, ag sen yokel kim amnak. Kasek yip yil apenigab, chil ayip apil nibop niginigabul.

²⁴ Nibi takaw yad ak dil, biawl nibi okok ayip, binib God yil midebal okok ayip, kilop midupsek ag dideg linimib. Mam ay man awl Yitali nib okok, kili nibop ag dideg lebal.

²⁵ God nibop yimug niñid gittep ginimuñ.

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 28 Dec 2024 from source files dated 29 Jan 2022

24d09cce-9a93-523a-afa5-7b091c264cee